



Sponsalia Et Matrimonium

Schmalzgrueber, Franz

Ingolstadii, 1726

Sectio II. De Matrimonio

[urn:nbn:de:hbz:466:1-75229](#)

De Sponsalibus, & Matrimonio.

2. cit. in fin. approbat S. Thom. in 4. dis^s. 27. q. 2. art. 1. Richard. ibid. art. 3. q. 3. Paludan. q. 2. S. Anton. p. 3. tit. 1. c. 18. §. 1. Et ejusmodi Jus in Mechliniens. & Constantiens. Dicecibus vigore testatur Gobat Theol. Exper. tr. 10. a n. 260.

Dixi 3. per se; per accidens enim aliquando à Sponsalibus recedenti autoritas Judicis necessaria est, ut ad vitandum scandalum, cum Sponsalia publicè nota, causa autem dissolutionis ignota est. Pal. n. 2. Boscho de Matr. D. 11. scđ. 2. con. 11. n. 175. Magnif. P. Schmier n. 18.

Ad Argumentum sumptum ex c. de illis cit. ibi non dicitur, necessarium esse judicium Ecclesiaz, sed tantum jubetur, ut Judge Ecclesiasticus, si coram ipso impubes, pubertatem adeptus, reclamaverit, eum separet. Ad Conf. negatur paritas, nam Matrimonium ex natura sua est contractus insolubilis: indéque non videbatur expediens, ut in potestate sit partium, proprio motu statu tam arcte obligatorio resiliere.

Quaritur 10. quomodo de ejusmodi causa constare debeat, ut à Sponsalibus recessus permisus sit Sponsis? 11. cum distinctione: Vel enim dissolutionis causa talis est, ut dirimat, vel impedit Matrimonium; vel solum talis, ut jus resilendi tribuat, non dirimat, vel impedit Matrimonium, uti est v. g. fornicatio alterius partis.

Si primum, ad Sponsalium dissolutionem faciendam sufficit Judici unius etiam testis, alias non idonei, depositio, fama publica, & propria confessio contrahen-

tionis sufficiunt, etiam sufficient in interno, & conscientia. Imò in isto ad Sponsalium dissolutionem sufficit depositio unius testis fide digni, etiam non jurati, ut notat Sanch. D. 73. n. 2. Gutier c. 36. n. 17. Pal. p. 320. cit. n. 8.

Eadem probationes, quæ in foro extenso sufficiunt, etiam sufficient in interno, & conscientia. Imò in isto ad Sponsalium dissolutionem sufficit depositio unius testis fide digni, etiam non jurati, ut notat Sanch. D. 73. n. 2. Gutier c. 36. n. 17. Pal. p. 320. cit. n. 8. fin.

SECTIO II.

De Matrimonio.

Post Sponsalia justo ordine sequitur Matrimonium; nam ad hoc illa tanquam via ad terminum à contrahentibus unicè, & principaliter intentum ducunt. Su-

mi istud dupliciter potest: primò secundum se, & secundò prout est Sacramentum. In utraque acceptione multa occurunt dubia, quæ Examine digna sunt. Sit ergo

S. I.

De Matrimonio secundum sc̄.

S U M M A R I U M.

221. Etymologia Nominis Matrimonium.
222. Alia hujus nomina.
223. Definitio.
224. 225. 226. Explicatio Definitionis.
227. Dividitur primò in Legitimum, Ratum, & Consummatum.
228. Requisita, ut Consummatum censeatur.
229. An consummetur per copulam primo bimeti vi extortam?
230. Defendit Sententia affirmativa.
231. Solvuntur Argumenta Partis negantis.
232. Secundò dividitur in Verum, Presumptum, & Putativum.
233. Quomodo probetur Matrimonium?
234. Quibus casibus illud Jura presumant initum?
235. Quenam requirantur, ut Matrimonium Putativum habeat effectus Juris?
236. Tertiò dividitur in Canonicum, & Politicum.
237. Quò pertinet etiam contrarium ad Manganicam.

238.

238. An licitum sit Pactum Morganaticae.
 239. An istud Pater illustris , stante Matrimonio , revocare , vel immutare possit ?
 240. An , & quomodo in bonis paternis succedant filii Morganatici ?
 241. 242. 243. 244. Quinam Matrimonia contrabere possint ?
 246. 247. An valeat contractum à parentibus nomine liberorum : si ipsi presentes taceant , & non contradicant ?
 248. 249. 250. An Matrimonium contrabi per Procuratorem possit ?
 251. Quenam requirantur , ut contractum per Procuratorem valeat ?
 252. 253. An ad valorem mandati Procuratorij requiratur presentia Parochi , & testimoniū ?
 254. 255. An Matrimonium contrabi possit per Epistolam ?
 256. In quo constat essentia Matrimonij ?
 257. An consensus contrahentium semper sit necessarius ?
 258. 259. 260. Etiam de absoluta DEI potentia ?
 261. 262. 263. Utrum ad substantiam Matrimonij pertineat consensus in obligationem alteri , si petat , tradendi corpus suum ad actus conjugales ex se aptos ad generationem prolis ?
 264. Qualis debeat esse consensus ad Matrimonium requiritus ?
 265. 266. 267. Quid dicendum de eo , qui cum una Matrimonium contraxit ficte , dein cum alia vere ?
 268. 269. Quomodo delinquit , & ad quid obligetur ficte contrahens ?
 270. 271. 272. An caju , quo Matrimonium est nullum ob defectum consensū , ad hoc revalidandum requiratur consensus iuriusque ?
 273. Quomodo consensus fit exprimendus ?
 274. 275. 276. An necessaria sint verba formalia ?
 277. 278. Quid in his spectandum ?
 279. Quam fidem mereatur interpres , si per hunc celebretur Matrimonium ?
 280. 281. An validum sit contractum contra Legem , vel consuetudinem Regionis ?

E21 Q uæritur 1. quid sit Matrimonium ? *R.* Ut de quavis alia re , ita etiam de Matrimonio duæ circa hoc fieri quæstiones posunt . 1. quid nominis ? 2. quid rei sit ? Atque hinc .

Dub. 1. quid nominis sit Matrimonium , seu quæ sit Etymologia istius nominis ? *R.* Matrimonium à Matre dicitur , non à Patre ; cuius plures congruentias , adducit Nicol. Motius de Matr. in princ. n. 1. duæ verò videntur potissimæ . Prima est ; quia Matrimonium præcipue spectat procreationem prolis . prolis autem certa parentis est mater , pater verò incertus , & ex Nuptijs solâ Juris præsumptione ostenditur , non vera , certaque probatio *L.* quia semper 5. ff. de in Ius vocand. l. filium 6. ff. de his qui sūi , vel alien. jur. l. *Lucius* 8. ff. de condit. & demonstr. Secunda ; quia matris onus gravius est , quam patris , cum illa prolem in utero & extra istum substantiam suā alat : atque ut c. fin. de conve. infidel. textus habet , hec ipsi ante partum onerosa , in partu dolorosa , & post partum laboriosa esse noscitur .

E22 Prater Matrimonij nomen tria alia eidem dantur , quæ tamen revera Synonyma sunt , licet data ex causis diversis . 1. enim dicitur *Consortium* à communicatione , & communione ejusdem sortis , & conditionis eō , quod conjuges bonorum , & juriū inter se confortes sint *l. nuptie* 1. ff. de rit. *nupt.* 2. *Conjugium* ab effectu ; quia duos , ut sicut una caro , conjungit , quasi sub uno jugo : quæ conjunctio initiatur per consensum animorum , qui datur in Matrimonij contractu ; perficitur conjunctione corporum , quæ contingit in consummatione ejusdem . Quod explicans

S. Ambrosius can. cum initiatur s. caus. 27. q. 2. relatus ait : Cum initiatur conjugium conjugij nomen adsciscitur ; non enim disforatio virginitatis facit conjugium , sed padio conjugalis : denique dum jungitur puella conjugium est , non cum viri admissione cognoscitur . 3. *Connubium* , vel quod crebrius eit , *Nuptie* à nubendo , vel obnubendo ; quia oīm Sponsæ pudoris gratiā , quando nubebant , velo se quasi nube tegebant can. *faminae* 7. & can. nec illud 8. caus. 30. q. 5. Unde hodieum nomine *Nuptiarum* ordinariè potius solemnitas , ac celebritas illa venit , quæ Contractui Matrimoniali conjungitur , ac certis temporibus per SS. Canones prohibetur , quam Contractus Matrimonialis , qui nullo tempore interdicitur . Weſenbec. ff. de rit. *nupt.* n. 1. Pal. tr. 28. D. 2. p. 1. n. 1. Vallen. hic §. 5. n. 1. Engl. §. 1. n. 8. König n. 8. 2.

Dub. 2. quid rei sit Matrimonium ? *R.* Matrimonium duobus modis accipi potest . 1. pro actuali contractu , in quo legitimæ personæ consensu verbis expresso se invicem obligant ad vita Societatem , & generationis usum . 2. & frequentius pro permanente , ac quasi perpetuo jugo viri , & faminae : quo sensu ait Gloss. *Inst. de patr. potest. lit. O.* idem esse Matrimonium quod *Conjugium* . In utroque sensu accepto Matrimonio accommodari potest Definitionis , quam ex c. illud 11. §. verum de præsumpt. §. *nuptie* 1. *Inst. de patr. potest.* & *l. nuptie* 1. ff. de rit. *nupt.* communiter sumunt DD. & dicunt , quod Matrimonium sit legitima conjunctio viri , & mulieris ; individuum vite consuetudinem continens : si scilicet dictio *Conjunctio* , dum definitio hæc applicatur contractui Matrimoniali , summa-

tum

sur causaliter, & efficienter; dum verò applicatur ipsi obligationi Matrimoniali, accipiatur formaliter. Unde, quando Matrimonium in prima acceptione sumitur, sensus Definitionis erit, quod Matrimonium sit contractus, quo mas, & femina nullo Jure impediti, se ad individuum vitæ societatem, & mutuan corporum traditionem in ordine ad actus ex se aptos ad generationem proliis obligant. Quando verò in secunda acceptione, hunc sensum pariet, quod Matrimonium sit perpetua, & indissolubilis conjunctio, seu vinculum viri, & feminæ, ortum ex consensu eorum, verbis, vel alijs signis expresso. Laym. l. 5. tr. 10. p. 2. c. 1. n. 1.

²²⁴ Dicitur autem 1. in Definitione *Viri*, & *Mulieris* in numero singulari; quo innuitur Polygamiam, & multo magis Polygyniam esse illicitam: de quo *Tit.* 4. de *Spons. duor. ex instituto.* Imò nec cuiusque cum quacunque, etiam unâ licet contrahere; quia Jure tam naturali, quam positivo Ecclesiastico certa constituta sunt impedimenta, quæ Matrimonij contractum vel omnino irritum, vel faltem illicitum faciunt: hinc in explicatione Definitionis adiutur, *Nullo Jure impediti.*

²²⁵ Dicitur 2. *Coniunctio*, scilicet per consensum de præsenti animorum, non verò per conjunctionem corporum; nam conjunctio corporum non est de substantia Matrimonij; quia Matrimonium non concubitus, sed consensus facit *l. nuptias* ff. de R. J. Neque obstat textus can. non est dubium 16. cum seq. caus. 27. q. 2. ubi dicitur, Non est dubium, illam mulierem non pertinere ad Matrimonium, cum qua commissio sexus non docetur fuisse; quia ut advertit editio Gregoriana, textus iste non reperitur in Augustino, ex quo eum citat Gratianus, videturque esse Summarium can. seq. quem & ipsum depravatè legit Gratianus, ut vide-re est in eadem Gregoriana editione. Nec etiam obstat, quod Matrimonium efficiat, ut duo sint in carne una, quod non vide-tur efficiere ante copulam; quia, ut notat Vallen, hic §. 5. n. 5. esse duos in carne una non est commisceri, sed haberi tanquam carnem unam, quod fit per hoc solum, quod uterque alterius corporis potestatem habeat. Porro potestas hæc, quam ha-bet conjux in corpus conjugis, est quidem jus in rem, sed non propriè dominium, ne fateri cogamur alterum alterius mancipium, seu servum esse, erit igitur tantum jus utendi corpore conjugis ad opus generationis eo fere modo, quo jus utendi alieno hor-to alicui ad certum finem concedi solet. Laym. l. 5. tr. 10. p. 2. c. 1. n. 1. Less. l. 2. de *Just.* c. 3. n. 7.

²²⁶ Dicitur 3. *individuum vitæ confuetudinem continens*; quo Matrimonium distingui-tur à Concupinatu, qui tantum ad tempus innititur, quandiu placuerit: & simul innui-

R. P. Schmalzgrueber L. IV.

tur, Matrimonio majorem, quam alijs omnibus contractibus humanis firmitatem, & indissolubilitatem competere; nam alijs omnes contractus, etiò mutuo consensu constituti sint, eodem iterum dissolvi pos-sunt: Matrimoniorum non item; neque enim Matrimonium ad tempus contrahi potest can. solet 6. caus. 32. q. 2. c. fin. de condit. apposit. Porro hunc perpetuum, & indivisiabilem nexus Matrimonium obtinet partim suapte naturâ, ob commodum proliis generandæ, meliusque educandæ, partim verò, & multo magis ex DEI primâva in-stitutione, & magni Mysterij causâ, ut con-stant ex Apostolo Eph. 5. & notat Laym. n. 1. cit. y. posterior. Hinc meritò per Jus Canonicum abrogatæ sunt Leges Civiles, quibus præter Matrimoniorum naturam ista etiam quoad vinculum dissolvi poterant ff. de *divort.* & C. de *repud.* quod repugnarent Legi Evangelicæ, quâ Christus, sublato li-bello Repudij, quo Judæis uxorem adulteram dimittere, & aliam ducere permitte-batur, Matrimonia restituit primâvo statui, & indissolubilitati suæ, potestate tamen re-licta Ecclesiæ id dissolvendi tam quoad co-habitationem, & thorum, quam etiam quoad vinculum per Professionem Religio-fam, & Dispensationem Apostolicam, si consummatum non sit: de quo suis locis dicetur.

Quæritur 2. quotuplex sit Matrimo-nium? ²²⁷ & triplicem maximè hujus di-visionem invenio.

I. Dividitur in Matrimonium Legiti-mum, Ratum, & Consummatum. Le-gitimum tantum illud est, quod legitimo consensu inter personas non impeditas con-tractum est, non tamen Ecclesiæ ratificationem, aut rationem Sacramenti habet: quale olim in Lege Naturæ, & Mosaica, ac hodie initur inter Judæos, & Gentiles can. fin. §. item illud caus. 28. q. 1. c. quanto 7. y. nam etiò de *divort.* Ratum, hinc Ecclesiæ ratificatione approbatum est, quod se-cundum Leges Divinas, & Ecclesiasticas sanctiones contrahitur à fidelibus, seu Baptizatis, inter quos tamen post illud contra-étum nondum intercessit commercium, seu copula carnalis: & de hoc accipienda est Regula l. *nuptias* 31. ff. de R. J. quod *Nup-tias non concubitus, sed consensus faciat.* Con-summatum denique, quod accidente carnali copula perfectum, atque compleatum est.

Ut verò tale, seu Consummatum ²²⁸ Matrimonium dici possit, requiritur. 1. ut copula carnalis sit perfecta, & sufficiens ad generationem humanam: & hinc non sufficit imperfecta, etiam per penetratio-nem vasis muliebris, nisi feminis effusio consequatur; & multo minus sufficient ta-etus, oscula, vel etiam pollutio extra vas naturale can. Lex Divine 18. caus. 27. q. 2. can. extraordinaria 11. caus. 35. q. 3. c. ve-

nim 2. de convers. conjugat. Sanch. l. 2. de Matr. D. 21. n. 5. Bolco de Matr. D. 11. concl. 10. n. 358. Magnif. P. Schmier p. 2. de Matr. c. 1. n. 50. & duobus seqq. 2. ut consensus legitimus, seu Matrimonium ratum praeceperit; nam si copula habeatur ante contractum Matrimoniale, ex ea non inducitur Matrimonij consummatio. Ratio est; quia, quod non est, consummari non potest. sed ante contractum Matrimonium non est Matrimonium, ergo &c. Erit proinde talis copula merè fornicaria, neque indissolubilitatem, aliōsque effectus Matrimonij consummati operabitur.

²²⁹ Addunt aliqui 3. ut ejusmodi copula intra primum bimestre post Matrimonij contractum non sit per vim extorta; nam per ejusmodi copulam negant consummari Matrimonium cum Abb. in c. de convers. conjugat. in quam sententiam etiam inclinat König hic n. 82. v. hanc communem, nixus his fundamentis. 1. quia Matrimonium consummatum representat unionem Christi cum Ecclesia, sed istam unionem ea solum copula representare potest, quae est voluntaria, si quidem unio Christi cum Ecclesia omnino voluntaria est. 2. Matrimonium ratum, quatenus est representativum unionis animæ fidelis per Charitatem cum DEO, necessario consensu requirit. ergo etiam Matrimonium consummatum, quatenus est representativum unionis Christi cum Ecclesia. 3. tunc in esse consummati per copulam constitutus Matrimonium, quando per actum Justitiae commutativa conjux petet, & reddit, quod debet, atqui hoc non contingit, si intra bimestre à die contracti Matrimonij copula extorqueatur vi, cùm unus alterante lapsu duorum mensium non debeat, & debitum tantum sit conditionale, sub hac scilicet conditione, Nisi intra bimestre Religionem ingrediar.

²³⁰ Sed dicendum, Matrimonium consummari, & fieri prorsus indissoluble etiam per copulam primo bimestri per vim extortam. Ira Angel. V. Matrimonium 4. n. 7. Covar. p. 2. de sponsal. c. 7. § 4. n. 10. Henr. l. 11. de Matr. c. 8. n. 10. Rodriq. tom. 1. summ. edit. 2. c. 239. n. 2. Petr. de Ledesim de Matr. q. 61. art. 1. fol. 583. Barbos. ff solut. matr. p. 2. Rubr. n. 106. Sanch. l. 2. de Matr. D. 22. n. 4. dicens esse certam sententiam. Ratio est; quia per copulam carnalem etiam vi extortam conjuges efficiuntur una caro, & ex tali copula nascitur affinitas, quæ ex Matrimonio solum rato non nascitur. Respondet quidem P. König l. cit. ad hoc Argumentum retrouquendo in copulam fornicariam; nam etiam qui adharet meretrici, unum corpus efficitur, teste Apostolo 1. Corintb. 6. v. 16. & ex quavis copula illicita oritur impedimentum affinitatis tot. tit. de eo, qui cognovit &c. & Trid. sess. 24. c. 4. de reform. Matr. unde

concludit requiri, ut talis sit copula, quæ fiat per debiti redditionem, & quæ repræsenter unionem Christi cum Ecclesia. Sed ampla disparitas est inter copulam fornicariam, & eam, quæ per vim extorta à conjugi est; nam illa initur extra Matrimonium, hæc inter conjuges; ex illa orta affinitas se extendit ad secundum duntaxat gradum, ex hac consurgens ad quartum usque se porrigit &c.

Neque contrarium probant Argumenta n. 229. allata. Ad 1. Argumentum hoc nimium probat; probaret enim, quod neque per copulam post bimestre vi extortam consummetur Matrimonium: quod durum videtur dicere. Dicendum ergo, quod etiam copula vi extorta à conjugi reprobent unionem Christi cum Ecclesia, non quidem quoad modum; nam unio Christi cum Ecclesia spontanea est: sed quoad substantiam; quia per talem copulam conjuges fiunt una caro, sicut Christus per carnem est unitus Ecclesia. Ad 2. quod Matrimonium ratum necessario consensu liberum postulet, tum natura Contractus postulat, quæ consensu contractum constituitur, tum Jure satis expressum est, quo constitutum est, ut Matrimonia essent liberrima: nihil tale haberur de Matrimonio consummato; unde in ratione consummati constituetur etiam per copulam vi extortam à conjugi. Ad 3. Major Propositio afferitur ex suppositione sententie; ex haec tenus autem dictis satis ostendit consummari Matrimonium per copulam obtentam à conjugi etiam per injuriam.

II. Dividitur Matrimonium in Matrimonium Verum, Praesumptum, & Putatum. Verum est, quod in veritate, & cum valore contractum, atque ut tale probatum est uno ex modis, quo cetera negotia probari solent. Praesumptum, quod à Jure praesumitur. Putatum quod putatur legitimè contractum esse, cùm ramen ob latens aliquod impedimentum à parte rei sit nullum.

Dub. 1. quomodo probetur Matrimonium? 2. in specie probari potest 1. per attestacionem Parochi, affirmantis illud in sua, & testium praesentia contractum fuisse; hic enim tanquam de re ad suum officium spectante attellans, plenam fidem meretur. Rot. tom. 1. recent. p. 4. decis. 610. n. 3. & decis. 661. n. 4. 2. per duos testes, etiam faminas bona fama: & admittuntur etiam parentes, & consanguinei, nisi ob disparitatem conditionis, aut divitiarum fiant suspecti c. super eo 22. de testib. 3. ex Libro Matrimoniorum, qui etiam mortuis Parocco, & testibus, plenè probat Matrimonium, ut pote in re, ad officium Parochi pertinente, scriptus. Rota p. 1. divers. decis. 750. n. 10. Mascard. de Pro-

Wobet, concl. 873. n. 12. 4. ex confesione conjugum, vel nominatione, h. e. quando vir, & mulier vel in communi colloquio, vel in literis ad se datis se invicem appellant conjuges, & ista illum maritum, hic ipsum uxorem. Abb. in c. lator. 5. in 6. qui fil. legit. Paris. cons. 55. n. 1. l. 4. Coral. l. 3. *taifcell. jur. c. 4. n. 7.* 5. ex diuturna cohabitatione maris, & feminæ honestæ l. in libera 24. ff. de rit. nupt. præcipue si accedant alia administrula, puta, promissio dotis cum contractu Sponsalium, licentia Ordinarij de contrahendo Matrimonio in domo privata, remissio publicacionum, aut præstatio alimentorum. Rota decisi. 444. coram Card. Cavaliero, Felin. in c. illud n. 10. § 11. de presump. 6. si mulier usq. sit vestibus, quibus aliae nuptæ ui solent. Alex. cons. 151. n. 10. l. 5. aut vir ob mortem mulieris, quam aliunde cognatam esse non constat, affutat vestes lugubres. Cephal. cons. 435. n. 66. § 67. 7. si publica vox, & fama ferat eos esse conjuges c. illud cit. & ibi Abb. n. 4. de presump. Puteus decisi. 173. l. 2. Rot. p. 4. divers. decisi. 273. n. 11. Vide Malcard. de probat concl. 124. § seqq. qui concl. 1035. n. 22. bene nota, dictum quoad probationem faciendum inter casum, quo agitur de Matrimonio sustinendo, & inter casum, quo agitur de eodem dissolvendo: nam in primo casu sufficiunt probations leviores, quod causa Matrimonij sit favorabilis; in secundo autem concludentes, quia etenim est causa ardua.

Dub. 2. quibus casibus Jura præsumant Matrimonium initum? 2. tribus maxime casibus. 1. quando post Sponsalia, inter duas personas habiles absolute inita, secuta est copula carnalis inter easdem; nam hoc casu consensus de futuro præsumitur transiisse in consensum de praesenti & copula admissa affectu conjugali c. veniens 15. & c. is quidem 30. b. tit. 2. quando post Sponsalia inita sub conditio ne, ante hujus eventum inter Sponsos intercessit carnale commercium; quia Ecclesia eo casu præsumebat Sponsos recessisse à conditione, adeoque voluisse pure, & absolute contrahere Matrimonium c. per tuas 6. de condit. apposit. 3. quando post Sponsalia de praesenti ab impuberibus, in quibus malitia non supplere atatem, adeoque invalidè contracta, inter eosdem, ubi pubertatem adepti fuerint, interveniunt signa ratificati consensus, qualia sunt non tantum carnis copula, sed etiam oscula, amplexus, munera, cohabitatio c. un. s. idem quoque de spons. impub. in 6. Verum hodie post Tridentinum Matrimonia hæc præsumpta non amplius locum habent, ubi dicta Synodus quoad Decretum, Matrimonia clandestina irritans, receperunt est, prout dictum est n. 118. suprà.

R. P. Schmalzgrueber L. IV.

Dub. 3. quænam requirantur, ut 235 Matrimonium Putativum habeat vim legiti mandi proles inde suscepas, & alios effec tus Juris? 2. duo apprimè sunt necessaria. Primum est, ut contrahatur cum bona fide, saltem ab uno ex conjugibus ignaro impedimenti c. ex tenore 14. qui fil. legit. ita tamen, ut bonam fidem nec errore Juris, nec dubitatio circa Matrimonij va lorem excludat. Covar. p. 2. de Sponsal. c. 8. §. 1. n. 9. & in dubio hæc bona fides præsumatur. Gutier. c. 71. de Matr. n. 4. Alterum, ut Matrimonium contrahatur publicè, & in facie Ecclesiæ, i. e. coram Parrocho, & testibus, & præmisis, vel sal tem legitimè dispensatis denuntiationibus; alioquin, si Matrimonium clandestinè celebretur, scientia impedimenti præsumitur c. fin. §. si quis verò de clandest. despont.

III. Dividitur Matrimonium in Ca 236 nonicum, & Politicum, seu Civile. Canonicum est in quo concurrunt ea, quæ à SS. Canonibus ad Matrimonium præscripta sunt. Politicum, in quo concurrunt etiam illa, quæ civiliter, & politice requiruntur ad Matrimonium, varia nimis solennitates, pacta dotalia, traductio in domum mariti, consensus parentum &c. sine quibus Matrimonium initum validum quidem est, ut suis locis dicitur, illegitimum tamen reputatur. Inde tantum illa vocatur Uxor, quæ ducta est in Matrimonio prædictis solennitatibus instruxta; quæ autem est ducta in Matrimonio ijs solennitatibus delituit, dicitur Concubina can. 15. qui 4. & can. seq. dist. 34.

Pertinet hoc Matrimonium ad Mor 237 ganicam contractum seu, ut alii vocant, Matrimonium conscientie, quod nihil aliud est, quam legitima conjunctio viri cum feminâ inferioris conditionis, eo pacto inita, ut uxor, & liberi inde nati dono nuptiali (quod Morgengabe, & corruptè Morgana tica dicitur) vel alia certa portione, tempore Sponzialium destinata, contenti sint, & à cæteris bonis avitis, ac paternis una cum titulis, dignitatibus & insignibus abstineant per textum l. 2. feud. tit. 29. De hoc Matrimonio.

Dub. 1. an licitum sit ejusmodi pa 238 etum, & conventio? Videtur tenenda negativa ex eo, quod, ut l. cum ratio 7. ff. de bon. damnat dicitur, ipsa ratio naturalis; quaj Lex quedam tacita, liberis parentum hereditatem propter jus Suitatis addicat; ut inde de legitimam vita sustentationem habere possint.

Sed dicendum esse licitum. Ita Myler. ab Ehrenbach Gamolog. Person. illustr. c. 6. n. 12. § 13. König bic n. 91. quæst. 1. & alii. Ratio est 1. quia nullam præfert turpititudinem, sed honestas ejus ex fine satis reluet; inventum enim est, tum u. maritus, non valens contineat, sit extra

G 2 peri-

periculum iſſiciti concebitus , quæ ratio innuitur l. 2. feud. tit. 29. tum ut liberis prioris Matrimonij , aut Agnatis per divisionem bonorum præjudicium non creetur , sique in suo nitore , & decore conserventur familiæ Illustres . 2. nec etiam contrarium est substantia Matrimonij ; nam ea , quæ ita dicitur , est verè uxor , & filii inde suscepti sunt legitimi , solùmque amputantur nonnulli effectus Civiles , ut scilicet uxor non coruscet radis mariti , ut filii ex ea suscepit familia paterna insignibus non utrantur ; neque in dignitate , aut ditionibus patris succedant . 3. iustitiam talis pacti confirmant exempla Virorum Illustrum , qui Matrimonia ad Morganaticam ex iusta Statu ratione contraxerunt , quorum meminit Myler. l. cit.

Ad rationem dubitandi , eti suffentatio debeatur liberis , non tamen præscripta est certa quantitas : hinc si ijsdem in Morganatica , vel alio modo relinquatur tantum , quantum pro suffentatione eorum requiritur (quod in Pacto questionis fit) contrajus naturale nihil committitur .

Dub. 2. utrum Pater illustris Pactum ad Morganaticam , stante Matrimonio , in præjudicium Liberorum primi Matrimonij , & Agnarorum revocare , & immutare possit ? Sunt , qui cum Annæ Roberto l. 1. rer. Judic. c. 15. negant , eò , quod mutare consilium quis non possit in alterius detrimentum . prout dicitur Reg. mutare 33. in 6. Conf. quia Pactum hoc ad Morganaticam est omnibus suis partibus perfectum . actus autem obligatorij jam firmi penitentiâ retractari non possunt , ne adversis conventionem suam pacificens veniat l. si quis 29. C. de Pact.

Contra alij cum Mylero ab Ehrenbach c. 6. cit. n. 37. revocationem istam , & immutationem Patri Illustri concedunt , ex ratione , quod Pactum ad Morganaticam respiciat futuram successionem liberorum , & per consequens revocabile sit instar aliarum ultimarum Voluntatum arg. l. fin. C. de Pact. ubi Jason. n. 12. pro Regula ponit , quod consensus ejus , qui in contractum super ipsius hereditate per aliquos celebratum consentit , ultimæ Voluntatis naturam sortiatur , & efficiatur ambulatorius usque ad mortem ex sola voluntate consentientis .

P. König bīc n. 91. quæst. 2. in fin. hanc posteriorem sententiam eatenus saltem veram esse existimat , quatenus putat Patrem liberis Morganaticis in Testamento amplius aliquid posse relinquere , quam pacto provisum sit , ex illis scilicet bonis , de quibus testandi facultatem habet ; nam hæc transferre in extraneum potest . igitur etiam in filium ex Matrimonio Morganatico natum .

Dub. 3. an si filij , aut nepotes prioris Matrimonij absque legitimis hæredibus

decedant , eo casu filij , ex Matrimonio ad Morganaticam nati , eorumque descendentes legitimi succedant in bonis patris , aut avi ? 4. hic distinguendum est inter bona Feudalia , & Allodialia . In bonis Feudalibus non succedunt , sed ipsis exclusi , admittuntur proximi agnati , ut dictum est Libr. 3. T.t. 20. n. 113. nisi forte ex pacto , quod ad Morganaticam fecit Pater , aliud constet . In Allodialibus omnino succedunt , ut cum alijs notat König bīc n. 91. q. 3. quia illorum jus solummodo suspensum fuit bis auf cinem ledigen Anfall / & quandiu supereritis erant uberi Matrimonij prioris , ergo his morte sublati , sortiunt effectum suum , idque ex præsumpta voluntate patris , qui voluisse creditur , ut alijs liberis non extantibus , filij ex Matrimonio Morganatico nati , tanquam legitimi , collateralibus præferantur , utpote in quo præ ipsis majori affectu ferri præsumitur .

Quaritur 3. quinam Matrimonia contrahere possint ? 5. possunt omnes , qui ab eo contrahendo non prohibentur ; est enim Edictum de Matrimonio contrahendo prohibitorum , ut quicunque non prohibentur , cons. admittantur . Et procedit hoc , etiam Excommunicati sint ; nam licet ita contrahendo peccent , validè tamen contrahunt , cum Matrimonia illorum nupiam irritentur . Zœf. bīc n. 58.

Prohibentur autem 1. ob defectum iudicij Infantes , furiosi , amentes extreme , seu cum temporario quodam mentis exilio ebrij , quandiu infanta , furor , aut ebrietas durat ; quia consensu libero , & debita deliberatione carent . Vallens. bīc §. 10. n. 10. König n. 94. ibid.

2. Ob vitium corporis muti , surdi , & cæci simul , prout de Sponsalibus dictum est n. 17. supra ; quia vel non intelligent sufficienter requisita Matrimonij , & obligationes annexas , vel saltem consensum suum sufficienter explicare , & secum contrahentis voluntatem percipere nequeunt . Vallens. l. cit. König n. 95. Item impotentes , seu inepti ad copulam conjugalem , ut qui finem Matrimonij assequi nequeunt ex litteris 3. & c. seq. de frigid. & malef.

3. Ob defectum etatis impuberes , seu mas ante 14. & fæmina infra 12. etatis annum ; quia in his communiter deficit vis , ac naturalis potestas generandi , quanquam malitia nonnunquam etatem supplet : de quo Tit. seq. Senum , qui sexagenarijs majores sunt , nuptias olim improbavit Lex Julia , & Papia . sed Justinianus l. sanctius 27. C. de Nuptijs ijsdem illarum contractum permisit : Et que Lex ista conformis doctrina Ecclesiæ , quæ quantumcunque fenes , modò ad actum conjugalem habiles sint , à Nuptijs contrahendis non excludit .

4. Ob personæ conditionem , ac statum . Clerici in SS. constituti , & Religiose pro-

professi juxta dicenda infra Tit. 6. qui Clerici, vel vovent. 2. Servi de Jure Civili l. cum ancillis 3. C. de incesto & mutil. nupt. & l. servii 23. iunct. Gloss. C. ad Leg. Jul. de adulter. Sed hoc postea SS. Canones correxerunt, & inter eos quoque inita Matrimonia voluerunt esse legitima, nisi casu, quo liber quidam ancillam duxit putans eum liberam, aut libera nupsit servo, quem talem esse nesciit: de quo infra Tit. 9. de conjug. servor. 3. eodem Jure Civili nuptiae non contrahebantur, nisi inter Cives Romanos pr. Inst. de Nupt. Sed haec dispositio ab usu recepsit, dum ipsi Imperij Principes cum exteris Regibus, & Dynastis pro libitu Matrimonia contrahunt, & affinitates mediante Matrimonio sibi firmant. König n. 96.

5. Ob inegalitatem Dignitatis. Ob hanc olim Viris Senatoriæ dignitatis non licet in thalami consortem sibi adsciscere feminam vilem, v. g. libertinam, scenicam, aut scenicam filiam l. oratione 16. l. Leg. Papia 23. Lege Julia 44. & alijs paulim ff. de rit. nupt. Sed ab hoc Jure recepsit Imp. Justinianus, dum Novell. 78 c. 3. & Novell. 117. c. 6. indulxit, ut etiam maximis decorati Dignitatibus cum libertis, & alijs vihoribus faminis nuptias mire potuerint: quod ipsum approbant SS. Canones, & praxis sequitur, quæ constat, quandoque Illustres ad humiliorum se vota demittere. Zœl. bīc n. 60. König n. 97.

6. Ob utilitatem publicam. Hujus intuitu Jure Civili interdicuntur Matrimonium Praefidis cum Provinciali, idque ob metum concussions l. quis 38. l. qui in Provincia 57. l. eos qui 65. ff. de rit. nupt. l. in. C. si quacunque prædit. potest. nisi officio finito, aut deponsat one ante munus suscepsum facta l. quis cit. & l. & si contra 6. C. de Nupt. Similiter etiam Civili Jure prohibebantur nuptiae Tutoris, ejusque filii cum pupilla, ne rationes tutelæ intercepientur l. quis Tutor 60. l. non est 67. & l. seq. ff. de rit. nupt. tot. tit. C. de interdicto. Matr. int. pupill. & tutor. nisi rationibus à Tute reditatis, & lapsu tempore, intra quod pupilla restitutionem in integrum impetrare potuit l. quanquam 62. §. fin. ff. de rit. nupt. Hoc tamen utrumque Jure Canonico, & hodiernis moribus non amplius obtinet.

7. Ob Impedimentum quodcumque five impediens, five dirimens; nam prius Matrimonium reddit illicitum, posterius, si re vera sub sit, invalidum: de quo infra.

8. Dub. 1. an valeat Matrimonium à parentibus nomine liberorum contractum, si isti præfentes taceant, & non contradicant? Affirmant Covar. p. 2. de Sponsal. c. 4. pr. n. 7. Sanch. l. 1. de Matr. D. 23. n. 3. Bosco scilicet 3. concl. 6. n. 210. Zœl. bīc n. 64. Schambog. n. 132. Fun-

damentum principale istorum est paritas cum Sponsalibus, que si à parentibus liberorum nomine contrahantur, & illi taceant, nec contradicant, sustinentur pro validis, ex præsumpto liberorum consensu, ut dictum est n. 61. & patet ex c. un. de sponsal. im- pub. in 6. atqui hic liberorum consensus non minus præsumi potest, quando tacent ad Matrimonium, quod nomine ipsorum parentes contrahunt; nam eadem pugnat ratio, scilicet præsumpta filiorum confidentia erga parentes, quæ judicant parentes pro ijs consilium semper suscipere optimum. ergo &c. Conf. ex vulgata Regula. Qui tacet, consentire videtur: quæ certissima redidit, quando, qui tacet, tenebatur non tacere, sed reclamare, & contradicere.

Sed probabilis negatur habendum²⁴⁷ pro valido, si filij consentiorum suum nullo alio exteriori signo demonstrant. Ita post alios Pont. l. 2. de Matr. c. 14. n. 3. Magnif. P. Schmier. p. 2. de Matr. c. 2. n. 14. & duob. seqq. P. König bīc n. 100. ¶ buio sententia, ubi putat id saltem obtinere in terris, in quibus Trid. promulgatum, & receptum est; nam juxta hoc Sponsus, & Sponsa consensum suum exprimere debent coram Parocho, & testibus, ad quod taciturnitas liberorum vix potest sufficiere, nisi prius mandatum dederint, ut nomine suo contrahant Matrimonium. Sed ratio videtur probare universaliter; quia, quod parentes pro liberis sine mandato possint contrahere Sponsalia, est aliquid singulariter, & exorbitans à Jure communi, igitur juxta Reg. quæ à Jure 28. de R. J. in 6. hæc facultas in consequentiā non est trahenda, & extendenda ad Matrimonium: præsertim cum inter Sponsalia, & Matrimonium non sit modica disparitas; Matrimonium enim inducit obligationem arctiorem, & vinculum indissolubile, ratione cuius plenam exigit libertatem, quæ non ita exactè desideratur in Sponsalibus, utpote quæ multis ex causis dissolvi possunt. Ex quo patet ad Argumentum sententia affirmantis,

Dub. 2. an Matrimonium contrahi²⁴⁸ per Procuratorem possit? ¶ affirmativè; nam ita habetur expressè c. fin. de Procurat. in 6. ex quo certum fit, id licuisse latenter ante Tridentinum. An vero hoc procedat etiam post Trid. controversia est. Aliqui, quos recenset Petr. de Lœdefm. q. 42. art. 1. dec. 7. & l. 2. de Matr. D. 11. n. 1. putarunt c. fin. cit. per laudatam Synodus fuisse correctum. Fundantur 1. quia ideo olim Matrimonium per Procuratorem contractum valebat, quod eo tempore ad illud sufficeret mutuus nudus consensus, sed hodie non sufficit nudus consensus, sed is coram Parocho, & testibus præstari debet, prout habetur scilicet 24. c. 1. de reform. Matr. ergo &c. 2. idem Trid. l. cit. decernit, ut omnino coram Parocho,

cho , & testibus contrahatur , ita quidem , ut Parochus viro , & muliere interrogatis , & eorum mutuo consensu intellecto , dicat , *Ego vos in Matrimonium conjungo* &c. ac proinde supponit , ambos contrahentes debere per se immediate , & praesentialiter exprimere consensum suum , non autem mediante Procuratore , vel internuntio . 3. ab eodem Concilio prescribitur nova Matrimonio forma , quæ per æquivalens , aut equipollens suppleri , atque adeo Procuratoris ministerio compensari nequit . 4. Parochus , & testes debent posse testari de Matrimonio rite contracto , non autem testari possunt de isto , si consensus ante ipsums per solum Procuratorem præstetur ; qui nesciunt , an principalis mandatum dederit , vel an non interea eundem revocaverit . 5. ex Matrimonio per Procuratorem contracto oriuntur multa non levia inconvenientia ; quia contingere potest , & saepe contingit aliquem ex contrahentibus tempore quo celebratur , esse mortuum , vel consensum revocasse , vel cum non satis cognitam habeat personam , cum qua per Procuratorem contrahit , compelli cum gravi sua displicientia eidem convivere .

349 Sed dicendum , & tanquam certum tenendum , quod Matrimonium etiam in illis locis , in quibus Trid. receptum est , per Procuratorem contrahi etiamnum possit . Ita Henr. l. 11. c. 2. n. 2. Sanch. l. 2. de Matr. D. 11. n. 20. Gutier. c. 43. de Matr. n. 10. Conirk D. 24. dub. 9. n. 76. Pals tr. 28. D. 2. p. 8. n. 9. Boscofet. 6. concl. 1. n. 17. Zœl. bīc n. 65. Schamb. n. 133. König. n. 101. Magnif. P. Schmier p. 2. de Matr. c. 2. n. 19. & alii plures apud , illos ex quibus nonnulli temeritatis notam incurrunt adversæ sententiæ . Patet 1. ex notoria Ecclesiæ totius praxi ; passim enim post Trid. præsertim inter Personas Principes , Matrimonia per Procuratores celebrantur : in quæ , si irrita forent , Ecclesia sine intolerabili errore consentire non posset , prout tamen defacto consentit . 2. quia Trid. tantum irritavit Matrimonia clandestina , seu ita inita , ut in facie Ecclesia sufficienter probari nequeant . atqui tale non est Matrimonium per Procuratorem contractum coram Parochio , & testibus ; quia horum testimonio contractus celebratus sufficienter probari potest , ita , ut contrahens in foro externo teneatur eidem stare . 3. Decreta correctoria Juris sunt strictæ interpretationis , & extra casus in propria verborum significacione comprehensos extendi non debent . atqui tale est Decretum Trid. quo Matrimonium clandestinum annullatur . igitur ab hoc ad contractum per Procuratorem , cum clandestinum non sit , extendi non deberet .

350 Neque urgent Argumenta opposita .
Ad 1. discriben inter Jus antiquum , & novum introductum per Trid. hoc est , quod

olim Matrimonium per Procuratorem posuerit contrahi nudo consensu absque Parochio & testibus ; nunc vero requiratur istorum præsentia . Ad 2. imprimis interrogatio illa , & verba Parochi non sunt essentialia : deinde etiam Procurator interrogari potest de consensu sui principalis , & hoc explicato , Parochus dicere , *Ego vos nomine procuratorio comparetes , conjungo* ; vel *Ego vos Procuratores , quatenus representatis vestros principales , conjungo* . Ad 3. Trid. præscriptis novam formam Matrimonio ex parte actus , & objecti , requirendo præsentiam Parochi , & testimoni , non vero ex parte subjecti , seu personæ contrahentium : & hinc præsentia Parochi , & testimoni per æquipollens suppleri non potest , potest autem supplieri præsentia contrahentium per minutrum , & procuratorem ; quia cum ex vulga Regula , quod per alium quis facit , per seipsum censetur facere . Reg. qui facit 72. i. 6. præsumit Procuratoris æquipotest præsentia principalis . Ad 4. non requiritur , ut Parochus , & testes testentur de Matrimonio , quod re ipsa sit validum (hoc enim impossibile est , cum illud invalidum reddi possit ex defectu consensus merè interni) sed sufficit , quod testari possint de Matrimonio , quod in foro externo habetur , & haberi debet pro valido . de hoc autem testari jam possunt , si Procurator consensum suum nomine principalis coram iisdem ritè explicaverit ; quia tale Matrimonium in foro externo habetur pro valido , quamdiu non probatur defectus sufficiens mandati , vel ejus revocatio . Ad 5. Argumentum illud ad summum probat , quod ob illa inconvenientia Matrimonium per Procuratorem contractum irritari potuerit , non vero , quod actu sit irritatum . Adde , omnem contractum humanum aliquibus inconmodis semper expeditum esse .

Dub 3. quid requiratur , ut per Procuratorem , seu internuntium validè ineatur Matrimonium ; 4. ex communi DD. sententia requiritur . 1. ut habeat mandatum speciale de Matrimonio contrahendo cum certa persona . 2. ut per seipsum Procurator mandatum hoc exequatur ; neque enim substituere alium potest , nisi expressè in mandato hoc ei concessum sit . 3. ut tempore intermedio mandatum non sit revocatum . Deo quo plura dicta sunt Libr. 1. Tit. 38. n. 19.

Addunt aliqui 4. ut Procurator constituantur coram Parochio , & testibus in illis locis , in quibus Trid. receptum est . Fundantur . 1. quia alias Parochus , & testes ignorabunt , an revera Procurator mandatum habeat , vel non , & sic testari non poterunt de legitimo contractu Matrimonij ; forte enim mandatum revera Procurator non habet . 2. quia solennitas , requisita ad ali-

aliquem actum ; etiam est necessaria ad dannam commissionem faciendi illum actum : & hinc quando Statutum aliquod prohibet donationem fieri absque quinque testibus , vi ejusdem etiam censetur prohibitum mandatum donandi absque illis l. oratio 16. ff. de Sponsal. 3. mulier , quia nequit absque consensu viri contrahere , etiam nequit absque illius consensu Procuratorem constituer , sed nullus potest absque Parocho , & testibus contrahere Matrimonium . ergo nec Procuratorem constituere ad contrahendum illud.

Sed verius præsentiam Parochi & testium non requiri ad valorem mandati Procuratorij , docent Sanch. l. 2. de Matr. D. 11. n. 23. Gutier. c. 43. de Matr. n. 13. Conink D. 24. dub. 9. n. 78. Pal. tr. 28. D. 2. p. 8. n. 5. Ratio est 1. quia si Trid. ad constitutionem Procuratoris requisisset præsentiam Parochi , & testium , hoc expressiss. est arg. l. un. S. ubi autem 11. v. nam si contrarium C. de caduc. tollend. expressit autem duntaxat præsentiam Parochi , & testium in ordine ad contrahendum matrimonium , non verò ad constituendum Procuratorem . ergo &c. 2. Jure antiquo hec solennitas non petebatur . ergo nec novo Trid. quia hoc circa istam solennitatem nihil innovavit , sed tantum aliquid addidit ex parte formæ , ut scilicet contractus Matrimonij fieret coram Parocho , & testibus , quod etiam fieri per Procuratorem potest. 3. optimæ interpres Juris est praxis passim recepta , atq[ue] praxis in Ecclesia passim recepta habet , ut post Trid. Matrimonium contrahatur per Procuratorem , & nunquam auditum est præsentiam Parochi , & testium servari in mandato Procuratori dando , ergo &c.

Argumenta in contrarium levia sunt. Ad 1. est ad tollendos scrupulos , & dubietatem de consensu principalis , contrahentis per Procuratorem , consultum sit , ut coram Parocho , & testibus exhibeatur Mandatum Procuratorium , non tamen necessarium est , ut notat Sanch. l. 5. D. 8. n. 24. & pro hoc allegat proximè totius Ecclesiæ ; & ratio est ; quia eti[us] hoc casu testes , & Parochus deponere nequeant de valore mandati , utpote quod non viderunt , possunt tamen deponere de Matrimonij contractu exteriori : quod si fiat , jam evitantur incommoda , ob quæ Trid. Matrimonia clandestina sustulit ; neque enim qui ita per Procuratorem contraxit , permittetur transire ad alia Vota , nisi postquam mandati nullitatem ostenderit. Ad 2. id verum est , quando eadem est ratio in actu & commissione actus ; fecit , quando diversa , ut in præsenti : neque enim ex mandato clandestino eadem incommoda exsurgunt , quæ ex Matrimonio clandestino. Ad 3. negatur paritas ; quia principalis constituendo Procuratorem ad Matri-

monium contrahendum , non agit in prajudicium Legis , etiamsi constitutionem illius non faciat coram Parocho , & testibus , sicut tamen in prajudicium Legis ageret mulier prohibita sine consensu viri contrahere , si Procuratorem sine hujus consensu constitueret ad contrahendum.

Dub. 4. an sicut per Procuratorem ,²⁵⁴ ita etiam per Epistolam contrahi Matrimonium possit ? Certum est , valuisse hujusmodi Matrimonium Jure antiquo ; quia hoc Jure ad valorem Matrimonij plus non requirebatur , quam quod requiritur ad valorem Contractus. Contractus autem certi validè celebrari possunt etiam per Epistolam . ergo &c.

An etiam post Trid. id fieri possit , similis controversia est apud DD. qualis est de Matrimonio contracto per Procuratorem. Negant Petr. de Ledesm. de Matr. q. 45. art. 3. dub. ult. ad 1. Barth. à Ledesm. dub. 18. de Matr. à fol. 1286. Rodriq. tom. 1. summ. edit. 2. c. 216. n. 1. & c. 220. n. 3. & inclinat Veracruz Append. ad Specul. dub. 3. in fin.

Rationem dant ; quia ex Decreto Trid. consensus utriusque contrahentis prestari debet coram eodem Parocho , & ijsdem testibus . non autem appetet , quomodo hoc fieri possit mediâ Epistolâ : hec enim is , qui accepit Epistolam , consentiat coram Parocho , non tamen coram eodem consentit is , qui scripsit Epistolam , cum necessarium sit , ut acceptet etiam alterius consensum , cum quo intendit contrahere ; hunc autem acceptare non possit , cum adhuc nesciat , an consensurus sit ad oblationem Matrimonij per Litteras factam . ergo &c.

Sed communis sententia est affirmativa , quam etiam defendant Molin. tr. 2. de J. & J. D. 254. n. 1. fin. Henr. l. 11. c. 2. n. 6. Sanch. l. 2. de Matr. D. 12. n. 3. Gutier. c. 45. de Matr. n. 4. Conink D. 24. dub. 9. n. 80. Pal. tr. 28. D. 2. p. 8. n. 11. & alij ab his cit. quamvis contraria negativa sit tutior , & in præsi tenenda. Ratio est ; quia ut n. præc. dictum est , Jure antiquo traditio , & acceptatio fieri potuit per Epistolam . ergo cum non constet , quod Trid. in hoc aliquid innovarit , etiam fieri poterit post Trid. modò traditio , & acceptatio utriusque contrahentis fiat coram eodem Parocho , & ijsdem testibus . Quod autem traditio , & acceptatio etiam per litteras fieri possit coram eodem Parocho , & testibus , per duo exempla ostendit Sanch. l. cit. Primum est ; quando Titius scribit Bertha , quod non solum ille ipsi corpus suum ad ultim Matrimonij tradat , sed etiam ex tunc traditionem sibi à Bertha faciendam acceptet : in hoc casu si Bertha Epistolam istam coram Parocho , & testibus legat , & traditionem sibi factam acceptet , utriusque traditio , & acceptatio facta erit coram

ram eodem Parochio, & iisdem testibus.
Alterum, Bertha, postquam accepit litteras à Titio, quibus scribit se accipere illam in uxorem, rescribat Titio, se acceptare ejus traditionem, & vicissim se illi in uxorem tradere: hanc Epistolam si Titius eam recipiens coram Parochio, & testibus legat, & simul coram iisdem in illam traditionem consentiat, jam traditio, & acceptatio coram eodem Parochio, & testibus contigit, Sponsæ quidem per litteras, Sponsi autem per verbalem consensum. Ex quo sequitur Responsio ad Argumentum oppositum.

256 Quæritur 4. in quo consistat essentia Matrimonij? 1. In Matrimonio sex diversa inveniuntur. 1. mutuus consensus. 2. traditio corporum mutua. 3. vinculum quoddam ex hoc consensu, & traditione ortum. 4. obligatio mutua ad reddendum debitum, quæ nascitur ex isto vinculo. 5. Jus reciprocum ad hoc petendum, quod surgit ex obligatione hac. 6. denique usus, & consummatio Matrimonij. Ex his.

Certum est 1. quod per consummationem, & copulam carnis compleatur quidem, & integreretur Matrimonium inter fideles, seu baptizatos contractum, ut fiat omnino indissolubile, ea tamen consummatio ad substantiam Matrimonij non requiratur, prout patet exemplo Beatisimæ Virginis, qui cum S. Josepho verum contraxit Matrimonium, Matth. 1., & tamen ab eo non est cognita; & liquet ex Reg. 30. ff. ubi Ulpianus, *Nuptias*, inquit, *non concubitus, sed consensus* facit.

Certum est 2. ad Matrimonium, prout dicit Statutum aliquem permanentem, essentialiter non pertinere consensum muruum, traditionem, obligationem, vel jus conjugum, sed solum vinculum; quia consensus, & traditio mutua sunt aliquid transiens, & causa efficiens vinculi, obligatio autem, & jus ex hoc vinculo tanquam effectus sequuntur.

Certum est 3. ad Matrimonium, prout illud sumitur pro contractu, essentialiter pertinere consensum muruum; quia sine hoc nullus consilere potest contractus.

257 Dub. 1. an ad valorem Matrimonij consensus contrahentium semper sit necessarius? Quod ad Matrimonium, prout defacto à DEO in Paradiso est institutum, necessarius ille sit, patet ex cau. sufficiat 2. eauf. 27. q. 2. c. cùm apud 23. & c. tua nos 26. b. t. & aperte colligitur ex Florent. Decret. Union. §. septimum, ac Trid. sess. 24. c. 1. de reform. Matr. Et que hoc ita verum, ut ejus defectus, nulla sine Ecclesiastica, sine Seculari potestate suppleri possit, ut rectè advertunt Sylv. V. Matrimonium 2. q. 15. Covar. p. 1. de Sponsal. c. 4. pr. n. 4. & p. 2. c. 2. n. 1. Sanch. l. 2. de Matr. D. 27. n. 2. Wiesl. Mo. n. 125. Ra-

tio est; quia nulli humanæ potestati concessa à DEO potestas est defectum istum supplendi: imò nec conveniens fuit eam concedi; quia si Matrimonium, mare, & famina reluetantibus, vel ignorantibus, constitui auctoritate aliqua humana posset, sperari amor ille mutuus inter coniuges, ita contra, vel praeter voluntatem suam coniugos, nequaquam posset, qui tamen amor maxime necessarius est ad procreationem prolis, rectam illius educationem, & observantiam fidei conjugalis.

An vero consensus iste maris, & feminæ ita sit necessarius, ut sine illo Matrimoniale vinculum ne quidem per absolutam DEI potentiam possit consistere, magna apud DD. est controversia. Affirmant Sanch. l. 2. de Matr. D. 26. n. 5. Pont. l. 3. de Matr. c. 3. n. 4. & alii DD. magni nominis. Fundantur 1. quia Matrimonium ex essentia sua est coniunctio animorum maris, & feminæ ad individuam Societatem vitæ. atqui hæc animorum coniunctio nec consistere, nec intelligi sine consensu unione potest. 2. Matrimonium est traditio ad Statutum Matrimoniale, sicut Votum solenne est traditio ad Statutum Religiosum, & Religionis susceptæ onera erga sicut nulla ratione fieri potest Votum absque voventis consensu, ita nec Matrimonium absque consensu conjugum. 3. si DEUS mari, & feminæ traderet jus mutuum in eorum corpora, ut istorum usus fornications culpâ careret, ea traditio utique innotescere utrique, & ab ijs coenitibus acceptari, & approbari deberet. atqui hoc modo jam interveniret consensus mutuus supra descriptus. ergo &c.

Sed adhuc verius est. per absolute 259 tam DEI potentiam absque consensu mutuo marem, & feminam conjungi, & ad vitæ Societatem, & actus conjugales perpetuò obligari posse. Ita Sot. in 4. diff. 27. q. 1. art. 2. concl. 1. Henr. l. 11. de Matr. c. 1. n. 3. Petr. de Ledel. de Matr. q. 45. art. 1. dub. 1. concl. 3. Barth. de Ledel. dub. 16. fol. 126s. Rebil. l. 2. de oblig. Just. q. 10. n. 26. Conirk D. 24. dub. 5. n. 49. Pal. tr. 28. D. 2. p. 5. n. 2. Wiesl. Mo. n. 137. Ratio est; quia DEUS longè perfectius humani corporis, & membrorum, ac facultatum ictius dominum habet, quām homo corporis proprij, quippe qui propriè solum est Usuari ejusdem. atqui homo vi ictius juris, quod ipse habet in corpus suum, potest conjugi tradere jus in illud ad vitæ societatem, & actus conjugales. ergo & DEUS de absoluta sua potentia, ita, ut conjugium inducatur, non voluntate maris, & feminæ, sibi invicem jus ictius concedentium, sed DEI, illud uni tradentis in alterum.

Neque obstant Argumenta opposita, 260 Ad 1. licet de essentia Matrimonij, prout defacto est institutum, sit consensus mutuus

~~animorum~~, non tamen est de essentia Matrimonij absolute spectati, & prout sumitur pro vinculo perpetuo, & obligatio ne ad actus conjugales; quia ut sic spectatum consistit, vel saltem supponit solam traditionem mutui Juris in corpora, quæ habetur, sive deinde illa fiat ab ipsis conjugibus, ut sit defacto ex institutione Divina, sive à DEO ipso, imponente eisdem obligationem ad perpetuam vitæ Societatem, & actus conjugales, prout imponere ipse de potentia absoluta posset. *Ad 2.* Negatur paritas; Votum enim ex essentia sua formalis est promissio de bono meliore liberè DEO facta, ut patet ex definitione illius *Libr. 3. Tit. 34. n. 1.* tradita; cons. absque libero consensu non potest concipi: contrà ut modò ostensum est, Matrimonium absolute spectatum, & praecinctendo à modo, quo defacto est institutum, concipi, & esse de potentia DEI absolute potest, quin ex libero consensu conjugum coalefacat. *Ad 3.* est eo casu ad excludendum peccatum fornicationis mari, & faminæ innotescere deberet, quod à DEO ipsis facta sit traditio Juris in corpora ad actus conjugales, non tamen opus foret traditionem istam ab ipsis acceptari; neque enim novum in Jure est, quod dominium alicui acquiri quandoque sine acceptance posset. Deinde esto, acceptatio etiam necessaria foret, per hanc tam non fieret traditio ab ipsis conjugibus, sed tantum à DEO prius facta acceptare tur.

Dub. 2. utrum ad substantiam Matrimonij pertineat consensus in obligationem alteri, si petat, tradendi corpus suum ad actus conjugales, ex se apertos ad generationem proliis? Negat Pont. *l. 1. de Matr. 6. 18. à n. 7.* Nititur *l.* authoritate S. Augustini, *l. 3. de bono conjugij c. 1. & l. 23. contra Faust. c. 8.* Matrimonium constituentis in sola animorum coniunctione amicabili, vitaque individua societate, etiam sine carnali corporum coniunctione. *2.* paritate cum dominio rerum externarum, quod separari ab usu potest, illarumque dominium directum esse penes unum, licet penes illum non si dominium utile, igitur etiam in matrimonio haber potest mutua corporum traditio quod dominium directum, seu proprietatis, quin simul habeatur dominium utile, & in ordine ad usum ejusdem. *3.* exemplo Beatisimæ Virginis, quæ verum matrimonium cum S. Jolepho inuit, in copulam tamen carnalem non consensit, imò nec potuit consentire, quippe ligata Voto Castitatis, ut cum S. Aug. *l. 1. de Virginit. SS. PP. & DD.* alij colligunt ex verbis, quæ Archangelo Gabrieli Verbi Divini conceptionem eidem annuntianti reposuit: *Quomodo fiet istud, quoniam Virum non cognosco?* *Luc. 1. v. 34.* *4.* conjugium iniri validè sub conditione Cauitatis servanda potest,

B. R. Schmalzgrueber *L. IV.*

ut Abulensi *Nom. 6. 30. q. 32.* Paludan. in *4. dist. 30. q. 2. art. 1. concl. 6. n. 6.* & alij docent, atqui per ejusmodi conjugium non transfertur dominium in ordine ad actus conjugales, sed tantum ad individuam vitæ Societatem. ergo &c. s. ab impotentibus, cognitâ impotentia coëundi, valide initur Matrimonium, ut cum Palud. *l. cit. docet Medin. de Sacr. Hom. Continent. l. 5. à c. 14.* atqui tales corpus suum ad actus conjugales ex se aptos ad generationem proliis, utpote sibi impossibilis, non possunt tradere. *6.* si conjuges post consummationem Matrimonij mutuo consensu profiteantur Religionem, perseverat Matrimonium. & tamen cessat mutua obligatio tradendi corporis ad ultum generationis.

Verum his non obstantibus, di-²⁶⁸cendum, esti ad substantiam Matrimonij non pertineat copula actualis, requiri tamen consensum in obligationem ad actus conjugales ex se aptos ad generationem proliis, saltem implicitum, & virtualē. Ita S. Thom. in *4. dist. 28. q. 12. art. 4.* Durand. *ibid. dist. 30. q. 2. art. 2.* Tabien *V Matrimonium 2. q. 7. n. 2.* Covar. p. 2. de Sponsal. *c. 3. pr. n. 1.* Henr. *l. 11. de Matr. c. 15. n. 1.* Suar. p. 3. q. 29. art. 2. scđ. 1. fin. Petr. de Ledesm. q. 48. art. 1. fol. 277. Valq. in *3. p. D. 185. c. 7. n. 99.* Sanch. *l. 2. de Matr. D. 28. n. 3. § 4.* Perez de Matr. *D. 13. scđ. 5. à n. 5.* Barbos. in can. *institutum 37. cauf. 27. q. 2. n. 6.* Pal. *tr. 28. D. 2. p. 5. n. 5.* Vallensis. *bic §. 8. n. 2.* Pirk. *n. 69.* Wiest. *n. 131.* Magnif. P. Schmier *p. 2. de Marr. c. 1. n. 13.* cum communis aliorum. Ratio est; quia Matrimonialis consensus saltem implicitè, & virtualiter ferri debet in vinculum, & obligationem conjugalem. Atqui vinculum hoc, & obligatio essentialiter est non solum ad indissolubilem vitæ Societatem, & cohabitationem, sed etiam ad exhibendos, si exigantur, actus conjugales: quod ostenditur *l.* ex ipsa Matrimonij institutione in Paradiso, & verbis DEI illud instaurantis: *Quam ob rem reliquæ homo patrem suum, & matrem, & abderebit uxori sue, & erunt duo in carne una.* Gen. *2. v. 24. 2. ex Apostolo 1. Cor. 7. v. 5.* ubi cum finem conjugij, & obligationem ex ejus contractu ortam exposuerit verbis sequentibus: *Uxori vir debitum reddat, similiter autem & uxor viro, ejus rationem subjiciens ait: Mulier sui corporis potestatem non habet, sed vir; similiter autem & vir sui corporis potestatem non habet, sed mulier v. 4.* *3.* Ex ratione; quia si vinculum, & obligatio conjugalis essentialiter non actus conjugales, sed individuam vitæ Societatem tantum respiceret, consensus verè conjugalis, ipsumque Matrimonium consistere etiam posset inter patrem, & filiam, matrem, & filium, sacerdotem, & nurum, &c. quia rationes, ob quas Matrimonium inter has personas nequit

poni.

H

confistere ; excludunt tantum obligationem ad actus conjugales , non vero ad individuam vitæ Societatem : sequelam nemo admittit. ergo &c.

269 Argumenta in contrarium allata non difficulter dissolvi possunt. **Ad 1.** S. Augustinus *l. cit.* solum dicit , quod Matrimonium confistere possit sine commercio carnali ; non autem negat id constitui per consensum ad actus conjugales reciprocè exhibendos implicitum : imò nec negare potuit ; cum enim Matrimonium intrinsecè ordinetur ad copulam , necesse est , ut is , qui in illud consentit , virtualiter , & implicitè etiam in istam consentiat , & jus ad eam tradat alteri , cum quo Matrimonium contrahit. **Ad 2.** Licet Matrimonium esse possit sine usu ejusdem , non tamen contrahi potest , quia contrahentes sibi invicem , falso implicite , dent jus ad ejus usum : & in hoc dominum , quod per Matrimoniale contractum acquiritur , à domino directo in alijs rebus distinguitur ; & ratio differentiaz est , quod istud non constituantur in dominio utili , constituantur vero in Jure ad actus conjugales jus conjugale. **Ad 3.** licet Beatisima Virgo , obstante Castitatis Voto , non consenserit , nec consentire potuerit in ipsum actum conjugalem , consentire tamen absque lesione Voti , vel periculo illud laedendi potuit , imò defacto consenserit virtualiter , & implicitè in obligationem tradendi corpus suum ad ejusmodi actus ; quia , ut Gratianus *can. Brata 3. cauf. 27. q. 2.* Laym. *l. 5. tr. 30. p. 2. c. 1. n. 3.* Pal. *tr. 28. D. 2. p. 1. n. 3.* Pith. *bis n. 69.* Wiest. *n. 133.* cum alijs notat , ex revelatione Divina certò cognovit , S. Josephum nunquam usurum hoc suo jure , & sic nullum fore periculum violandi Votum. **Ad 4.** ut infra *Tit. 5. de condit. apost.* ostendetur , Matrimonium iniurum sub conditione servanda Castitatis non est validum ; quia conditio hæc repugnat substantiaz Matrimonij. **Ad 5.** Impotentia , ut dicetur *Tit. 15. de frigid.* & maleficaz. Est impedimentum dirimens , & inhabilitans ad Matrimoniale contractum , si sit perpetua. **Ad 6.** Vinculum conjugale , seu obligatio ad actus conjugales in hujusmodi conjugibus manet radicaliter , sive quod ad actum primum , licet per accidens impediatur quoad actum secundum. Et hinc si dispensatione Pontificia à Voto Continentiaz absolverentur , sine nova pactione Matrimonio uti possent.

246 Quæritur 5. qualis debeat esse consensus ad Matrimonium requisitus ? **1.** Debet esse liber , prout paret ex c. *cum locum 14. c. Gemma 29.* Sc. *b. tit.* idque propter arctitudinem vinculi , quod semel contractum non nisi morte alterutrius contrahentis solubile est. **2.** Verus , non fictus , aut simulatus , prout sumitur ex c. *tua nos 26.* &

3. simulatus *30. ff. de rit. nupt.* quia sine vero consensu non consilis Matrimonialis contractus , simulatus autem consensus non est verus. **3.** Mutuus , ut uterque jus in corpus suum alteri tradat , & acceptet , ut diserte habetur c. *ex duobus 1. de Spons. duor.* ibi , Fides consensis est , quando mutuò se concedunt unus alteri , & mutuò se suscipiunt. **4.** Simultaneus , saltem moraliter , & ita , ut casu , quo unus consensum jam præstitit , iste interea , donec etiam consentiat alter , nec expresse , nec tacite revocetur arg. c. *fin. de Procur. in 6.* **5.** Expressus voce , vel alio signis , ut sunt nutus , scriptura , &c. prout sumitur ex c. *cum apud 23. in fin.* & ex Concil. Florent. *Decret. Union. 5. septimum* , ubi dum Concilij ius Tit. PP. dicunt Matrimoniale consensum regulariter per verba exprimi , non obscurè insinuant , eum etiam per alia signa , consensum de præsenti sufficienter significantia , posse exprimi.

Dub. 1. Quid dicendum casu , quo **267** Titius primò verbis quidem , sed sine animo contrahendi Matrimonium init cum Bertha , postea vero , adhibito etiam consenu , contrahit cum Caja , vivente Bertha , & contra valorem Matrimonij secundò contracti agente ? **2.** Cum distinctione ; nam *in foro interno* , efi nullam probationem fictionis afferat Titius , sed solum fateatur se factè contraxisse , obligandus erit à Confessario , ut cohabit Caja. Laym. *l. 5. tr. 10. p. 2. c. 6. n. 3.* Ratio est ; quia in foro interno , & conscientiaz nulli requiruntur testes , aut probatio , sed soli consentiunt haberet fides.

Aliter proceditur *in foro externo* **268** nam in isto , nisi clarissimis indicj & argumentis omnino indubitatis probetur fictio , præsumptio fiet pro Matrimonio primo , & in illius contractu præsumetur intervenisse consensus : neque creditur ita fictè contrahenti , etiam cum juramento afferat se factè tantum contraxisse arg. c. *per tuas 10. de Probat.* Laym. *n. 3. cit. Schamb. bis n. 144.* & *145.* Wiest. *n. 140.* Ratio est gravillimum periculum , ne Matrimonium validè contractum cum maximo contrahentium periculo , & injurya Sacramenti dissolvatur.

Matr. D. 11. n. 1. notat , accipiens est textus c. , is qui fidem *30. b. tit.* ubi Gregorius IX. ad casum , quo aliquis post fidem datam de Matrimonio contrahendo , & secutam copulam , sicque contractum secundum Juris antiqui regulam Matrimonium præsumptum , in facie Ecclesias duxit aliam , responderet eum teneri redire ad primam : & inde concludit , quod nec verum , nec aliquod censeatur Matrimonium , quod defacto est postmodum consumatum. Dicendum enim , id intelligendum secundum præsumptionem fori exteriori ; nam in foro interno præsumptio locum non habet , sed sola veritas.

Dub.

68 Dub. 2. quomodo delinquit, & ad quid obligetur sic fidè contrahens Matrimonium? **1.** Commitit peccatum grave non solum Sacilegij contra Reverentiam Sacramenti, sed etiam injuritæ, quia alteri bona fide contrahenti gravem injuriam, & damnum infert; cum enim in foro externo aut nunquam, aut difficultimè probari fitio possit, decepta non permittetur transire ad alias nuptias, sed vel ingredi Religionem, vel in sæculo semper manere inupta. Quare cum damnum istud alter plerumque tolli nequeat, quam ut is, qui fidè consensit in Matrimonium, deponita fictione verè consentiat, regulariter ad hoc tenebitur, & si nolit, etiam in foro externo ad hoc compelli poterit. Ita Scot. in 4. disf. 30. q. 1. v. respondet stante illo dolo, Major in 4. disf. 27. q. 1. Sot. ibid. q. 1. art. 3. v. alia præcipua, Petr. de Soto led. 3. de Matr. §. primum agitur, Navar. Manual. c. 22. n. 76. Henr. l. 11. de Matr. c. 11. n. 3. Petr. de Ledesm. de Matr. q. 45. art. 4. dub. 1. §. in hac Valq. de resit. c. 3. §. 1. dub. 6. Sanch. l. 1. de Matr. D. 11. n. 4. & 5. Laym. l. 5. tr. 10. p. 2. c. 6. n. 2. Pont. l. 2. de Matr. c. 5. n. 5. Pirk. hic n. 97. Schamb. n. 145. König n. 104. v. licet. Wiest. n. 143. dicens, ita saitem tenendum in praxi.

69 Dixi regulariter; excipiendi enim sunt casus aliqui, quibus deceptor ad Matrimonium cum decepta contrahendum non obligatur. Et talis est **1.** si deceptor Matrimonium jam cum alia vero consensu inicit; tunc enim, et si Judici de primo Matrimonio fidè contracto fidem nulla ratione facere posse, & conf. Judex, ut debet, pronuntiet pro primo illo Matrimonio, aque ad cohabitandum, intentatâ etiam Excommunicationis poenâ, compellat, potius ejusmodi Censuram, utpote quæ animam non ligat, sustinere, quam primæ Sponsæ per carnalem copulam conjungi debet, ut statuit c. inquisitioni 44. de sent. Excomm. **2.** Si damnum deceptæ illatum alio modo compensari posse; quia hæc obligatio non oritur vi solius contractus, qui ob defecatum consensu nullus, & irritus fuit, sed ob damnum deceptæ inde consecutum. **3.** Si deceptor in longè altiori statu sit positus; quia Matrimonia inter dispares infelices solent habere exitus. **4.** Si contrahens manifesta consensu facti indicia præbuit; quia tunc famina seipsum decepit. **5.** Si decepta Virginem se esse falso jactavit; tunc enim una deceptione per aliam tollitur, ac veluti compensatur. **6.** Si ex tali Matrimonio timeantur secutura scandala, & infelices exitus. **7.** Si decepta, cognita deceptione, aliam compensationem sponte recipiat. Videantur DD. n. prec. citi.

70 Dub. 3. An, quando Matrimonium irritum fuit ex defectu consensu, quia al-

R. P. Schmalzgrueber L. IV.

ter conjugum fidè, vel gravi metu coactus contraxit, tunc sufficiat, si hic solum postea consensum in Matrimonium renovet, an vero necesse sit, ut uterque denuo consentiat? Hoc secundum affirmant Feil. in c. ex parte Decani 33. n. 11. de rescript. Palatios in 4. disf. 27. D. 1. fol. 566. col. 2. Barth. de Ledesm. de Matr. dub. 19. fol. 1297. Pal. tr. 28. D. 2. p. 6. n. 3. Rationem dant **1.** quia defectus consensu non mindus dirimit Matrimonium, quam aliud impedimentum dirimens. Sed quando contractum illud est cum alio impedimento dicimenter, ut illo per dispensationem sublatto, Matrimonium convalefacat, necessarius est novus consensus ex parte utriusque. Ergo etiam, ut convalefacat, quod invalidè contractum est ex defectu consensu. **2.** Si sufficeret suppleri consensum ex parte ejus, qui fidè contraxit, alterius consensu verius deberet habitualiter perseverare adhuc, quando suppletur defectus consensu à deceptore. Atqui non perseverat eo usque; quia haber annexam conditionem, si etiam alter conjux verè consentiat, quod cum non statim fiat, etiam evanescet consensus ab altero verè positus. **3.** Matrimonium ex una parte claudicare non potest. Claudicaret autem, si consensu unius posset manere validus, posito consensu ex altera parte invalido. Igitur ex utraque parte consensus invalidus erit; quando autem ex utraque parte invalidus consensus est, ex utraque parte reperi debet. Ergo: &c.

Verum hæc Argumenta licet probabilem admodum reddant sententiam, pro qua adducuntur, non difficile tam & ipsa responsionem patiuntur. **Ad 1.** Nego paritatem: nam quando consensus cadit in personas laborantes alio quadam impedimento dicimenter, consensus ex utraque parte invalidus est; at quando unus contrahit fidè, alter verè, consensus ex una solum parte invalidatur. **Ad 2.** consensus alterius verus tamdiu perseverat moraliter, quādū explicitè, vel implicitè non revocatur; ponitur autem non revocatus. ergo: &c. **Ad id**, quod additur, consensum nempe decepti habere annexam conditionem, si etiam alter statim verè consentiat, frustra additur, neque sine ratione supponi debet. **Ad 3.** Matrimonium claudicare nequit, ita, ut sit legitimum absque vero utriusque consensu; potest autem claudicare ita, ut consensu unius, dum non revocatur sufficiat ad Matrimonium, quando postea alterius consensus acceperit, ut contingit, quando consensus præstantur diuerso tempore.

Quare ad propositum dubium dico: probabilius sufficere, si ille, qui illegitimè consensit, denuo consentiat. Ita Sylv. V. Matrimonium 8. q. 2. dict. 6. & q. 11. dict. 4. Navar. Man. c. 22. n. 51. fin. Sanch. l. 2.

H 2

de Matr. D. 32. n. 9. Gutier. c. 46. de Matr. n. 14. Conink D. 24. dub. 7. n. 58. in fin. Laym. l. 5. tr. 10. p. 2. c. 6. n. 1. Pirk. bīc n. 33. König. ibid. n. 103. & 128. & alij apud illos. Ratio est; quia cū consensu alterius validus de le fuerit, & sufficiens ad matrimonium, nec revocatus fuerit, jam ex parte istius consensu nihil desideratur, solum autem deest consensus illius, qui facte, aut metu consensit; ergo hoc accedente, matrimonium convalescat. Conf. Si facte, vel metu consentiens nullum omnino tunc præstisit consensum, sed solum interjecto spatio temporis, valeret matrimonium, modo consensu alterius in sua priori virtute maneat. Atqui is, qui facte, aut metu consensit, perinde se habet, ac si non consensisset, cū is consensus fuerit omnino nullus. Ergo satis est, si manent in virtute priori consensu, ipse solus consentiat: quod facere potest, nulla intimatione de hoc facta alteri conjugi, & ut putat Sanch. l. cit. n. 11. alij cit. solum in mente, & in corde suo; quia hoc solum defuerat.

73 Quæritur 6. Quomodo consensus matrimonialis sit exprimendus? Certum est exprimendum per signa externa; quia matrimonium habet rationem contractus, qui cū celebretur inter homines interiora cordis ignorantes, necessariò petit, ut consensus in illud exprimatur signo externo. Sanch. l. 2. D. 30. n. 1.

Dub. 1. Utrum sufficiat consensu istum exprimi signis alijs, vel necessariò desiderentur verba? Tres sunt sententiae. Prima putat verba in potentibus loqui necessaria esse ad valorem matrimonij, sed Jure Ecclesiastico tantum, quo introductum sententiae istius fautores existimat impedimentum dirimens in valentibus loqui, quando scilicet solis signis contrahunt: quod tum ex alis textibus, tum vero maxime deducunt ex c. tue 25. b. tit. ibi, Necessaria sunt, quantum ad Ecclesiam, verba consensum experimentia; & additur, quod surdi, & muti possint contrahere sine verbis: ubi isti excepti excepunt à regula prius tradita. Atqui exceptio firmat regulam in casibus non exceptis. Igitur valentes loqui sine verbis non possunt contrahere.

74 Secunda docet verba saltem requiri de necessitate præcepti Ecclesiae: quod tamen moderantur triplici exceptione. 1. In multis; quia his executio præcepti est impossibilis. 2. Si præcessit tractatus de matrimonio contrahendo; tunc enim putant verba in contractu matrimoniali nulla desiderari. 3. Si unius verba protulit; nam tunc volunt sufficere, si alter consensum suum per signa explicet. Deducunt & ipsi doctrinam suam ex Jure, præsertim vero ex c. licet 3. de Spous duor. ibi, Si inter virum, & mulierem legitimus consensus inter-

veniat de prefentis, ita quidem, quod unus alterum in suo mutuo consensu verbis consuetus expresse recipiat, &c. quæ verba videntur indicare saltem præceptum.

Tertia sententia, eaque omnino re-²⁷⁵tinenda cum Govar, p. 2. de Sponsal. c. 4. pr. n. 1. Sanch. l. 2. de Matr. D. 31. n. 5. & seqq. Pont. l. 2. c. 7. n. 14. Conink D. 24. dub. 8. concl. 4. Pal. n. 28. D. 2. p. 7. n. 2. & seqq. Bosco sīt. 2. concl. 3. n. 129. Card. de Luca Discursi 2. de Matr. n. 14. König bīc n. 108. & Nibilominus, Magnif. P. Schmier. p. 2. de Matr. c. 2. n. 44. & seqq. sustinet etiam in loqui valentibus ad exprimendum consensum sufficere signa distincta à verbis. Ideque verum est, sive queratur, an ista sufficiant ad valorem Matrimonij, sive queratur, an sufficient ratione præcepti. Primum, quod verba formalia non requirantur ad valorem, patet; quia non requiruntur ad valorem aliorum contractuum; id autem sufficit ad valorem Matrimonij, quod sufficit ad valorem aliorum contractuum, nisi speciali Jure diversum aliquid statutum sit de Matrimonio. Secundum, quod non requirantur ex necessitate præcepti, inde patet; quia nulpiam extat præceptum istud Ecclesiaz. Addo tamen cum Pal. l. cit. n. 5. valde decens esse, ut contrahentes suos consensus verbis exprimant: immo istud aliquando ratione scandali, & ne dubius reddatur contractus, sub peccato mortali necessarium erit.

Neque aliud probatur ex c. tue, & ²⁷⁶ c. licet cit. Ad primum responderet Sanchez cum alijs *supra*, verba esse necessaria quoad Ecclesiam, i. e. quoad clariorem probationem: & hinc non excluditur alius probandi modus; quod enim necessarium non est quoad substantiam, sed quoad probationem, potest per æquipollens impletiri. Vel, ut idem Sanchez existimat, dici potest verba esse necessaria, i. e. utilia ad meliorem probationem. Ad secundum plus ex eo textu non eruitur, ut monet Pal. l. cit. n. 4. quoniam quod Matrimonium regulariter perficiatur verbis, non quasi necessaria sint absolute, sed quia sunt signa aptiora consensu.

Dub. 2. Quid potissimum spectandum sit in verbis, per quæ contrahentes consensum suum exprimunt? & Potius est spectanda intentio, quam sensus verborum; quia verba intentioni deserviunt, & non intentio verbis, quæ solum inventa sunt, ut per ea intentionem suam quisque exprimat. Et hinc, si intentio desit, qualcumque sint verba, in foro conscientiae, & coram DEO, nulla Sponsalia, aut Matrimonij obligatio oritur: & è contrario, si adsit intentio contrahendi Matrimonium, eaque manifestetur externo aliquo, & tali signo, ut ambo contrahentes intelligent se munus velle contrahere Matrimonium, id fa-

satis est, neque refert, quæ verba apposuerint. Sanch. l. 1. de Matr. D. 18. n. 2. Pirk. hic n. 85.

²⁷⁸ Dixi in foro conscientie; nam in foro externo, si de verborum interpretatione dubitetur, non statut intentioni contrahentium (quia haec Ecclesiam latet) sed interpretatio facienda est secundum communem loquendi usum, sive in eo sensu, quo communiter à recte intelligentibus accipiuntur. Sanch. l. cit. n. 4. Pal. D. 2. p. 3. n. 1. Pirk. n. 85. cit. not. 2. quia ut l. Labeo 7. §. Servius 2. ff. de supell. legat. dicitur, non ex opinionibus singulorum, sed ex communi uero domina exaudiri debent. Excipitur, nisi tempore contractus constet aliam fuisse mentem contrahentem; nam tunc neque in foro externo Matrimonium haberi pro valido poterit. Talis casus est, si aliqui rudes, & simplices, existimantes Matrimonium non esse contractum perpetuum, vellent tantum ad tempus inter se contrahere Matrimonium, & ad cohabitandum se obligare non in perpetuum, sive usque ad mortem, idque sufficienter exprimerent; tale enim matrimonium fore nullum eriam in foro externo si in hoc sufficienter constet de hac contrahentium intentione, quibuscumque demum contrahendo usi sint verbis.

²⁷⁹ Dub. 3. Quam fidem mereatur interpretis, si contingat per illum celebrari Matrimonium? Ibi danda est fides integra, cum fuerit communis contrahentium consensu electus. Ita Bartol. in l. 1. §. fin. n. 2. ff. de V. O. Jason. ibid. n. 7. Covar. p. 2. de Sponsal. c. 4. §. 1. n. 3. Sanch. l. 3. de Matr. D. 39. n. 4. Pirk. hic n. 85. not. 5. & alij communiter. Et hinc si dubium inci-

dat ex eo, quod alter contrahentium dicat se non intellexisse verba Interpretis, ad hunc recurrendum est: & si adhuc maneat dubium, consulendum est communis sensus, & significatio verborum, quibus interpres, & cum eo contrahens usus est, juxta c. ex litteris 7. b. tit. & tradit ibidem Gloss. V. intellexerit cum cit.

Quæritur 7. An validum sit Matrimonium contractum, non servata Lege, vel consuetudine loci, seu Regionis? Affirmative. Ita statuitur c. de Francia 1. b. tit. & notat ibid. Host. V. superinduxit, Abb. n. 3. §. 7. Pirk. hic n. 89. Ratio est; quia Matrimonium oritur ex Lege, & institutione Divina. Atqui huic Juri præjudicare Lex humana, qualis etiam est consuetudo, non potest. Valebit ergo Matrimonium, si habeat ea, quæ alias ad illius valorem requiruntur, etiamsi aliter disponat Lex, vel consuetudo loci obtineat; quia non potest Matrimonium semel legitimè contractum quoad substantialia irritare, vel tollere.

Dixi autem, non servata consuetudine, vel Statuto loci, aut Regionis; nam Lege Pontificia forma Contractus matrimonialis immutari potest, ut defacto immutatus est à Trid. dum matrimonia clandestina fustulit.

Addidi quoad substantialia; nam circa accidentalia, & accessoria matrimonij consuetudo patris, & Regionis, in qua contrahitur Matrimonium, potest disponere; ut Abb. n. 7. cit. Pirk. n. 89. not. 2. König bdc n. 89. advertunt. Talia sunt, ut nullum conjugium fiat sine dote, ut sponsus, & sponsa benedicantur à Sacerdoti, & à Paronymphis offerantur. &c.

§. II.

De Matrimonio, quatenus est Sacramentum.

S U M M A R I U M.

- 282. 283. 284. 285. An Matrimonium sit Sacramentum?
- 286. 287. Quando institutum?
- 288. Quæ ipsius Essentia Metaphysica?
- 289. 290. Quæ Materia, & Forma?
- 291. Quis Minister? Rationes dubitandi.
- 292. Deciditur, quod sine ipso contrahentes.
- 293. Respondetur ad objections.
- 294. 295. 296. Quando à fidelibus efficiatur hoc Sacramentum?
- 297. An Sacramentum sit inter absentes per Procuratorem contractum?
- 298. Defenditur affirmativa.
- 299. Solvuntur Argumenta contraria.
- 300. An Sacramentum sit Matrimonium, quod contrixerunt fideles ignorantes, quod Matrimonium sit Sacramentum?
- 301. An contrahi inter fideles Matrimonium

- possit, quod valeat in ratione Contrariis, non autem in ratione Sacramenti?
- 302. Propugnatur negativa.
- 303. Quid dicendum de Matrimonii Hereticorum?
- 304. Diluvuntur Argumenta opposita.
- 305. An Matrimonium à fidelibus contrahitum sit duplex Sacramentum, an unum tantum?
- 306. An Sacramentum sit, quod fidelis ex dispensatione apostolica contrahit cum infideli?
- 307. Respondetur negativa.
- 308. Dissolvitur ratio dubitandi in contrariis
- 309. An Matrimonium, ab Infidelibus contractum, si isti convertantur ad Eudem, transfeat in Sacramentum?
- 310. Resolvitur pro negativa.
- 311. Objections solvuntur.

H. 3

Quæ-

281 Quæritur 1. An Matrimonium sit Sacramentum? **v.** Hic distinguendum esse inter Matrimonia, prout contrahebatur in Lege antiqua, & inter ea, quæ à fidelibus contrahuntur in Lege nova.

De Matrimonio in Lege veteri converniunt DD. Orthodoxi cum Acatolicis, quod tantum fuerit contractus naturalis, & non Sacramentum, nisi latè, & impropiè, quatenus scilicet aliquo modo figurabat conjunctionem DEI cum homine per gratiam, & Christi cum Ecclesia per carnem, prout colligitur ex c. gaudemus 8. de divort. c. debilit. 5. de Bigam. & tradit Leo Epist. 92. ad Ristic. August. l. 2. de nupt. c. 21.

283 Idem Hæretici plerique nostri temporis contendunt de Matrimonio fidelium in Lege nova: quibus quoad hoc punctum favet Durandus in 4. dist. 26. q. 3. dicens non esse propriè, & univocè Sacramentum, nec gratiam conferre: quod probabile judicat Paludan. dist. cit. q. 4. princ. n. 3. in quorum sententiā videtur facere c. veniens 3. de Presbyt. non baptiz. ubi Innocentius III. dicit, Sacramentum Conjugij, & Eucharistie à non baptizatis recipi posse: quod fieri non posset, si Matrimonium propriè Sacramentum foret, cum Baptismus sit ianua, & necessaria dispositio ex Divina institutione ad reliqua Sacra mentia suscipienda. Confirmari hoc etiam posset ex eo; quia Ecclesia non potest irritare Sacramentum. Potest autem irritare Matrimonium, ergo &c.

284 Sed dicendum, Matrimonium nævæ Legis, inter fideles contractum, esse verè, & propriè Sacramentum. Est de Fide, & definitum à Concilio Florent. Decret. Union. §. quinto, & Trid. sess. 7. can. 1. de Sacram. in gen. & sess. 25. can. 1. de Sacram. Matrim. contra Lutheranos, & alios Sectarios; nam quamvis initio Matrimonium tantum fuerit contractus Civilis, & ut talis institutus à DEO in Paradiso, Christus Dominus tamen in Lege nova eundem elevavit ad statum, & dignitatem Sacramenti, eique dedit vim sanctificandi contrahentes ritè dispositos: quod indicat Paulus Epbes. 5. v. 32. ubi de conjugio loquens, Magnum, inquit, hoc Sacramentum est; ego autem dico in Christo, & Ecclesia. Agnovit hoc etiam pridem S. Augustinus, quando Libr. de Fid. & Operib. In Ecclesia, inquit, Nuptiarum non solum vinculum sed etiam Sacramentum commendatur. Eratque hoc omnino conveniens, ut dignitatem, & vim Sacramenti acciperet; cum enim ex Christi Lege Matth. 5. & 19. ejusdem vinculum sit perpetuum, & vi illius teneantur conjuges ad cohabitationem perpetuam, quæ gravissima iisdem imponit onera, intollerabile jugum foret, nisi ipsi annexuisset gratiam suam Divinam ad hæc onera faciliter sustinenda.

Neque contrarium probatur ex **285** veniens cit. id enim intelligi debet de susceptione Matrimonij in ratione contractus, & de susceptione Eucharistie materiali. Adeo, quod ibi Innocentius non definiendo, sed dubitando ea verba protulerit, prout advertit Rebell. l. 2. de Matr. q. 3. n. 16. Pontius l. 1. c. 6. n. 5. Pal. tr. 28. D. 2. p. 2. n. 1. Ad Conf. Ecclesia tantum irritat Contractum, quo irritato, definit esse Sacramentum, quod Contractui annexum est. Deinde retorquetur Argumentum; nam Ecclesia etiam non potest irritare Sacramentum Pœnitentia, potest tamen Jurisdictionem necessariam ad absolvendum tollere, & sic facere, ne Sacramentum fiat.

Quæritur 2. Quando institutio ista **286** a Christo facta sit? **v.** de hoc diversa sunt DD. sententiae. Nam 1. aliqui apud Viguer. l. 16. Inst. Can. §. 7. ¶. 1. & Ledesm. 2. p. 4. q. 44. art. 2. dicunt Matrimonium Sacramentum institutum esse Joann. 2. dum Christus interfuit nuptijs. 2. alij cum Sanchez l. 2. de Matr. D. 4. n. 5. Laym. l. 5. tr. 10. p. 2. c. 2. n. 1. Pal. tr. 28. D. 2. p. 1. n. 6. volunt Joan. 2. Matrimonium quidem à Christo approbatum esse, institutum tamen, quando Matth. 19. v. 7. Christus, Repudiū libello antiquato, id, sicut ab initio fuit, insolubile imposterum esse iudicat verbis, Quid DEUS conjunxit, homo non separabit. 3. alij cum Tann. D. 8. q. 2. dub. 2. n. 26. existimant, institutum fuisse tempore 46. die rum, quibus Christus post Passionem fuan præbuit seipsum vivum Apostolis, loquens de Regno DEI, h. e. de pertinentibus ad Statum Ecclesia. Art. 1.

Similis controversia est de institutio **287** ne primæva Matrimonii in ratione Contractus; nam aliqui, quos referit Sanchez D. 4. cit. n. 2. putant immediatè institutum fuisse ab Adamo, illis verbis, quæ DEO inspirante, protulit: Hoc nunc os ex offibus meis. Gen. 2. Sed verius institutio tribuitur immediatè ipsi DEO, dum Gen. 1. dicit: cre scite, & multiplicamini; nam tunc DEUS fecit copiam illis, ut jungerentur, & mutuam corporum traditionem concessit, in quo Matrimonium consistit. Unde dicendum, per verba illa Adami institutionem à DEO factam magis fuisse declarata, eo fere modo, quo institutio Extrema Unctionis, facta per Christum, fuit declarata per Apostolum Jacobum.

Quæritur 3. Quid sit Sacramentum **288** Matrimonij, seu quæ in Essentia illius Physica, & Metaphysica? **v.** Essentia Metaphysica Matrimonij in Definitione illius consistit, Physica in materia, & forma. Definitione Matrimonij, ut Sacramentum est, à plerisque DD. saltem quoad sensum hæc ponitur: Est coniugio maritalis, Spiritualis gratia collativa; vel: Est contractus, matrimon, & feminam, nullo Jure impeditos, ad

Individualum vite *societatem*, & corporum ad actus conjugales traditionem mutuam obligans, iisque rite dispositis conferens gratiam sanctificantem.

²⁸⁹ De Materia, & Forma variae sunt sententiae, ut videre est apud Sanch. l. 1. de Matrim. D. 5. Canonistis familiarior, & expeditior opinio est illorum, qui dicunt, quod Materia Matrimonij remota, & circa quam Sacramentum istud veritatu, sint ipsam corpora conjugum, ad generationem prolis idonea; Proxima vero, & ex qua Matrimonij Sacramentum constituitur, sit ejusmodi corporum actualis, & mutua traditio, & acceptatio: Forma denique utriusque in eam traditionem, & acceptationem consensus, verbis, vel alijs signis expressus. Ita Valq. D. 3. de Matr. c. 4. Hurtad. D. 3. de Matr. n. 79. Gutier. c. 41. de Matrim. n. 1. v. *tertia sententia*. Pal. tr. 28. D. 2. p. 2. n. 2. Zcel. bie n. 63. Schamb. n. 123. König n. 102. Wiesb. n. 153. Magnific. P. Schmier p. 2. de Matr. c. 2. n. 33.

²⁹⁰ Ratio est; Quia Matrimonij, ut Sacramentum est, non alia est materia, & forma, quam sit ejusdem, quatenus Contractus est; nam iste à Christo Domino non est mutatus, sed tantum elevatus ad statum, & dignitatem Sacramenti. Atqui Matrimonij, ut Contractus est, materia remota sunt corpora habilia, proxima eorumdem traditio, & acceptatio, forma consensus contrahentium in traditionem, & acceptationem mutuam. ergo &c. Conf. à pari; nam materia remota Emptionis Ventionis sunt res in eum contractum deducere; proxima obligatio tradendi mercem pro pretio, & prenum pro merce; forma mutuus consensus in obligationem istam per verba, aut alia signa externa expressus. Idem autem videtur dicendum de Matrimonio, ergo &c.

²⁹¹ Quæritur 4. Quis sit Minister Sacramenti Matrimonij? Melchior Canus l. 8. de loc. c. 5. ad 5. tametsi fateatur, Matrimonium, quatenus est contractus, confici per ipsos contrahentes, contendit tamen, ejusdem, quatenus Sacramentum est, Ministerum esse Sacerdotem: quod probat l. quia Eugenius IV. in Decret. U. §. septimum definit omnia Sacraenta verbis tanquam formâ perfici: atque verba contrahentium necessaria non sunt; quia suppleri per signa possunt, ut dictum est n. 275. ergo affirmandum est verba Sacerdotis necessaria esse, illisque Sacramentum perfici, sicut alia omnia Sacraenta perficiuntur. 2. Actio Sacramentalis est actio Sacra. Igitur requirit Ministrum Sacrum, & formam Sacram. 3. Trid. Jeff. 24. c. 1. de reform. Matr. jubar, ut Parochus, habito consenu contraentium, proferat ea verba, Ego vos in Matrimonium conjungo in nomine Patris &c. ergo verè Parochus conjungit, & conficit

Sacramentum, ne verba sint falsa. 4. In cæteris Sacramentis Minister est Sacerdos, ex instituto per Sacri Ordinis susceptionem ordinatus, ut sit Minister Sacramentorum. Ergo etiam in Matrimonio. 5. Si contrahentes essent Ministri istius Sacramenti, casu, quo, dum contrahent, existunt in statu peccati mortalis, duplex peccatum mortale contraherent, unum recipiendo Sacramentum, alterum administrando. Sequela est contra persuasionem contrahentium, qui unico peccato ligari eo casu se credunt, ergo &c.

Sed indubitate sententia est, quod ²⁹² hujus Sacramenti Minister non sit Sacerdos, sed ipsi contrahentes. Ita Sot. in 4. dist. 26. q. 2. art. 3. v. *banc autem*. Bellarm. l. 1. de Matr. c. 6. & duob. seqq. Suar. tom. 1. de Sacram. q. 65. D. 16. sed. 1. Henrig. l. 11. de Matr. c. 2. n. 7. Petri. de Ledesm. de Matr. q. 42. art. 1. difficult. 4. Sanch. l. 2. de Matr. D. 6. n. 2. G. tier. c. 41. de Matr. n. 2. Pont. l. 1. c. 8. n. 3. Pal. tr. 28. D. 2. p. 4. n. 2. Vallent. bic §. 6. n. 3. Pith. n. 77. Schambog. n. 124. Wiesb. n. 145. Colligitor 1. ex Florent. quod in Decreto cit. §. septimum causam Matrimonij efficientem statuit mutuum consensus regulariter per verba de præsenti expressum. Atqui hic consensus non à Sacerdote ponitur, sed à contrahentibus. ergo &c. 2. Ex Trid. quod Jeff. 24. c. 1. de reform. matr. Matrimonium sine Parocho, & testibus contractum irritat. Ergo antea, si sine ipsis contractum fuit, validum fuit: non autem in ratione Contractus tantum; quia, ut *infrā* n. 302. dicam, in fidelibus ratio Sacramenti separari non potest à ratione Contractus. Igitur validum fuit in ratione Sacramenti. Validum vero non fuisset, si sine legitimo ministro fuisset contractum. ergo &c. 3. Ex ratione; nam Sacramenti cuiusque minister est, qui ponit ejusdem formam. Atqui hanc ponunt in Matrimonio, non Sacerdos, sed contrahentes &c.

Rationes in contrarium adductæ exi-
gu sunt momenti. Ad 1. Verba in Ma-
trimonij contractu regulariter adhibentur,
tametsi signis celebrari possit. Ad 2. Actio
Sacramentalis Sacra est, quia est causa Sa-
cramenti, & sanctificantis gratia; non ve-
ro quasi procedat à Ministro consecrato;
alijs Baptismus collatus à Laico non est
Sacramentum, cum Laicus non sit ad id
consecratus. Ad 3. Verba illa, ut notat
Sanch. l. cit. n. 6. proferuntur à Sacerdore,
non tanquam Ministro Sacramentum ad-
ministrante, sed declarante, seu confirmante,
quod inter ipsos contrahentes fit, aut fa-
ctum est, adeoque id Sacerdos non efficit,
sed confirmat, seu approbat. Deinde Sa-
cerdos assistens etiam alijs verbis uti potest
juxta receptum cuiusque Provinciæ ritum,
ut addit Trid. c. 1. cit. Ad 4. Sicut specia-

le,

le, ac proprium est Sacramenti Matrimonij, quod consistat in contractu ipsorum suscipientium, ita etiam speciale, ac proprium est ejusdem, quod ipsimet suscipientes hoc Sacramentum sunt Ministri ejusdem. Ad 5. Non pauci DD. negant, quod contrahentes, quatenus sunt Minister Sacramenti Matrimonij, peccent mortaliter, cum ad id munus non sint consecrati. Sed juxta principia Lib. 9. Tit. 1. n. 15. jaeta probabilius est esse peccatum mortale, eo quod sint instrumentum Christi ad gratiam conferendam; decet autem instrumentum causa principali esse conforme. ergo &c.

294. Quaritur 5. Quando a fidelibus efficiatur Sacramentum, an in ipso contractu Matrimonij, ut adeo consistat in usu, an vero perseveret, instar Sacramenti Eucharistiae, post contractum prateritum? Hoc secundum affirmant Bellarm. l. 1. de Matr. c. 6. Sanch. l. 2. de Matr. D. 5. n. 7. Laym. l. 5. tr. 10. p. 2. c. 2. n. 4. ex ratione; quia prota vita significat admirabile, & insolubile illud conjugum, five unionem Christi cum Ecclesia contractam per Mysterium Incarnationis, de qua Joannes c. 1. v. 14. Verbum, inquit, Caro factum est, Et habitavit in nobis. Conf. Eucharistia est Sacramentum, non tantum, quando est in fieri, sed tale etiam manet postea, dum est in facto esse; quia species permanentes sunt signum sensibile interni alimenti per gratiam. Ergo & Sacramentum Matrimonij permanebit; quia manet vis significandi.

295. Sed verius est, solum Matrimonij contractum propriè dictū Sacramentum esse. Ita Conink D. 24. dub. 2. n. 11. Pal. tr. 28. D. 2. p. 2. n. 3. Bosco de Matr. D. 11. sed. 4. concl. 5. n. 132. Wiest. hic n. 103. Magnif. P. Schmier p. 2. de Matr. c. 1. n. 32. Ratio est; quia Sacramentum ex Divina institutione est gratia signum practicum, ex opere operato sanctificans suscipientem, ut dixit Concil. Florent. in Decreto Eugenii, & colligitur ex Trid. sess. 7. per totam. atqui haec gratia ex communissima DD. sententia confertur conjugibus ex opere operato in ipso contractu Matrimonij, non vero in ejusdem usu. ergo &c.

296. Ad Argumentum contrarium Matrimonium vim illa significandi habet, non quia Sacramentum est (quia alias significatio haec competenter etiam Matrimonio raro) sed quod consummatum sit: quod inde patet; quia hanc unionem significat etiam Matrimonium a conjugibus in Infidelitate initium, & consummatum ab iisdem ad Fidem conversis, licet ne tum quidem Sacramentum fiat, ut n. 310. dicetur. Ad Conf. negatur parvus cum Eucharistia. Disparitas est; quia Eucharistia, postquam in Sacrificio Missæ confecta est, ulio suo ex opere operato suscipientem sanctificat: contra Matrimonium solum sanctificat, dum sit,

non vero, dum factum est. Igitur cum de ratione Sacramentorum novæ Legis sit esse signum practicum gratiae, Eucharistia merito dicitur Sacramentum in facto esse, Matrimonium vero solum, dum sit. Quodsi adhuc contendas, hoc nomen etiam Matrimonio in facto esse competere, concedam esse Sacramentum, sed latè acceptum pro signo rei Sacrae Divinitatis instituto.

Quaritur 6. An Sacramentum sit Matrimonium inter absentes per Procuratorem contractum? Pro negativa citantur Durandus, Canus, Victoria, Martinus, & Bartholomaeus de Ledesma, & alij apud Gutier. c. 43. de Matr. n. 10. Fundantur 1. quia perceptio, & confessio Sacramenti est actus personalis, ut constat in omnibus alijs Sacramentis. Sed actus personalis per alium exerceri non potest; & ideo cetera Sacraenta substitutum non admittunt. Ergo idem dicendum de Matrimonio. 2. Si Matrimonium per Procuratorem contractum Sacramentum est, sequeretur, quod dormiens non tantum recipere gratiam, sed etiam peccare posset; nam si eo tempore, quo Procurator nomine ipsius contrahit Matrimonium, sit rite dispositus, recipiet gratiam, sin minus, peccabit. 3. Sequeretur item, quod idem dormiens possit confidere Sacramentum; neque enim Procurator id conficit, sed Principalis, cuius nomine contrahit. Sequela videtur esse contra communem doctrinam, quæ in Ministro Sacraenta requirit intentionem actualē, saltem virtualiter perseverantem, cujus habendæ dormiens capax non est. 4. Absolutio Sacramentalis non potest dari absenti; quia forma Absolutionis Absolvo te, in praesentem dirigitur: atqui non minus in praesentem dirigitur Forma Matrimonii, Accipio te in meum &c. 5. Cum Parochus attinet Matrimonio profert verba illa, Ego vos conjungo, pronomen Vos non minus requirit praesentiam Subjectorum, quam pronomen Te in forma Baptismi, & Poenitentiae. Ergo absens non minus est incapax Sacramenti Matrimonii, quam Sacramenti Baptismi, vel Poenitentiae. 6. Si Matrimonium contractum per Procuratorem valeret in ratione Sacramenti, valeret etiam contractum per Epistolam.

Sed his non obstantibus, dicendum, Matrimonium etiam per Procuratorem imitum vere, ac propriè Sacramentum esse. Ita Sot. in 4. dist. 27. q. 1. art. 3. ¶, at vero, Philiarc. de Offic. Sacerd. tom. 1. p. 2. l. 2. c. 2. Covar. p. 2. de Sponsal. c. 1. §. un. n. 5. Sanch. l. 2. de Matr. D. 11. n. 27. Gutier. c. 43. de Matr. n. 10. Conink D. 24. dub. 9. n. 67. Pal. tr. 28. D. 2. p. 8. n. 9. Bosco Scti. 6. concl. 1. n. 18. Pirk. hic n. 80. Schambog. n. 33. Et seqq. König n. 101. ¶. affirmativam, Wiest. n. 157. in fin. Magnif. P. Schmier p. 2. de Matr. c. 2. n. 6.

26. ex exterisque communiter. *Ratio est 1.* Quia omne Matrimonium legitimum inter Baptizatos est Sacramentum; neque enim, ut *infra n. 302.* dicetur, à Fidelibus contra huius Matrimonium potest, quod sit validum in ratione Contractus, quin etiam contrahatur validum in ratione Sacramenti. Atqui, ut dictum est *n. 249.* Matrimonium per Procuratorem contractum valet in ratione contractus. Ergo valebit etiam in ratione Sacramenti. **2.** Quia Christus elevans naturalem Matrimonij contractum ad esse Sacramenti, nihil aliud requiritur in Baptizatis, quam id, quod requiritur ad legitimum contractum Matrimonij. Igitur, cum, ut mox dictum est, Matrimonium per Procuratorem initum valeat in ratione Contractus, etiam Sacramentum erit. **3.** Quia Concilia Generalia dicunt, quod Matrimonium, quod ante Legem Evangelicam erat Contractus Civilis, modò fit Sacramentum; neque enim Christus elevando Matrimonium ad rationem Sacramenti immutavit illius naturam. Atqui ante Legem Evangelicam Matrimonium per Procuratorem initum valebat in ratione Contractus; quia neutiquam divertebat in hoc à reliquis contractibus. Igitur nunc initum per Procuratorem valet etiam in ratione Sacramenti.

279 Ad Argumenta contraria facilis est Responsio. **Ad 1.** Id peculiare est in Sacramento Matrimonij præ reliquis Sacramentis, quod actio Sacramentalis in ipso non sit omnino personalis, sed per substitutum recipi, & conferri posset. Ratio dissparatus est; quia sequitur naturam contractus: unde sicut isti, ita etiam Matrimonium iniri per Procuratorem poterit. **Ad 2.** Non est inconveniens dormientem peccare mortaliter, aut gratiam recipere ratione consensu in vigilia habiti; id enim contingit etiam in eo, qui volens baptizari, baptizatus dormiens. Peccatum igitur contrahentis per Procuratorem in hoc consistet, quod non procuraverit sibi statum gratiæ pro eo tempore, quo verisimiliter credebat fore, ut Procurator nomine ipsius contraheret, ad quod tenetur, ut bene alijs *citt.* Sanch. *l. cit. n. 30.* **Ad 3.** Contrahens Matrimonium per procuratorem Sacramentum conficit vi intentionis præteritæ, quam Procuratori mandatum dedit ad contrahendum: quod sufficit in Sacramento Matrimonij, quamvis in alijs Sacramentis non sufficiat; quia in Sacramento Matrimonij materia & forma non necessariò ponuntur simul, & in uno continuo, ut in Sacramentis alijs, cuius ratio est iterum natura Contractus, cuius naturam Matrimonium sequitur. **Ad 4.** Ex eodem fundamento negatur paritas; cum enim natura Contractus non repugnet illum cum absente iniri, etiam non repugnat Matrimonio. Aliud est in Absolutione in foro Pœnitentiarum; nam

hoc cùm merè internum, & occultum sit, & à dispositione pœnitentis pœfenti pendeat, mirum non est, quod absolutio in eo foro data pœsentiam Ministri, ac pœnitentis requirat, ut sic ille hujus dispositionem cognoscat. *Ad 5.* verba illa, *Ego vos conjungo &c.* quæ Parochus Matrimonio afflens profert, essentialia non sunt, sicut essentialia sunt in forma Baptismi verba: *Ego te baptizo, & in forma Sacramenti Pœnitentiarum, Ego te absolvō:* cons. verba illa Parochi afflentis Matrimonio suppleri possunt per alia æquipollentia, quæ dirigantur in Procuratorem absente principali. *Ad 6.* Concedo Sequelam, quæ nihil absurdum continet, modò Epistola, quæ utriusque contrahentis consensum continet, legatur coram Parocho, & testibus; tunc enim nihil deest, quod requiritur à Trid. & cons. nulla est ratio, quare non defacto etiam post Tridentinum Matrimonium ita initum valeat: de quo videatur *suprà n. 255.*

Quæritur 7. An Sacramentum sit²⁸⁰ Matrimonium, quod contraxerunt fideles ignorantes, quod Matrimonium sit Sacramentum? **1.** Affirmative: modò intentionem habeant faciendo, quod faciunt certi fideles id contrahendo; nam ita intendunt etiam ipsi facere, quod facit Ecclesia, & sic nihil deerit requisitum ad rationem Sacramenti. Ita S. Thom. addit. q. 51. art. 2. ad 2. Henr. l. 11. Matr. c. 11. n. 5. Sanch. l. 2. de Matr. D. 10. n. 6. Perez D. 19. de Matr. scđ. 10. n. 3. Wiel. hic n. 159. nam idem etiam contingit in Baptismo, quem si quis putet fictionem esse, modò intendat facere, quod facit Ecclesia, validè confert.

Dubium est, an Fideles celebrare²⁸¹ Matrimonium possint, quod valeat in ratione Contractus, non autem in ratione Sacramenti, id, quod illud contrahant cum intentione excludente Sacramentum? Affirmant Scot. in 4. dis. 26. q. un. §. sed qualiter, Hurtad. D. 3. de Matrim. difficult. 19. Valq. tom. 2. in 3. p. D. 138. c. 5. Rebell. de oblig. Just. p. 2. l. 2. q. 5. concl. 1. Pont. l. 1. c. 9. n. 3. König hic n. 84. v. malo tamen. Moventur 1. Quia, ut constat ex Concilia Florent. in Decret. union. §. quintùm omnia Sacra menta tribus perficiuntur, rebus tanquam materia, verbis tanquam formâ, & perfondi Ministri conferentia Sacramentum cum intentione faciendo, quod facit Ecclesia. Ergo si desit intentione Ministri, Sacramentum non perficitur. Debet autem si fideles intendant Matrimonium inire in ratione solius contractus, ergo &c. **2.** Conditions defacto, aut Jure impossibilis non obstante valori conjugij, modò non adverterunt bono fidei, & prolixi, aut conjugij indissolubilitati, ut patet ex c. fin. de condit. apposit. Ergo etiam non obstat conditio, excludens rationem Sacramenti. **3.** Neque ex Concilijs, neque

R. P. Schmalzryeber L. IV.

ex doctrina SS. PP. habetur, quod Contractus Matrimonialis, sine intentione conficiendi Sacramentum initus, à Christo sit irritatus: imò non defuerunt, qui cum Cano de Loc. Theol. l. 8. c. 5. volunt, Matrimonium, à fidelibus per Procuratorem, aut Epistolam inter absentes initum, valere duntaxat in ratione Contractus, non autem in ratione Sacramenti. 4. Antequam Matrimonium elevaretur ad rationem Sacramenti, tota substantia Matrimonialis Contractus haberi potuit sine intentione conficiendi Sacramentum, imò cum intentione hoc excludente. Atqui per elevationem istam legitimus Contractus quoad substantiam non fuit mutatus. Ergo etiam nunc sine hac intentione, imò cum intentione contraria haberi potest tota substantia Matrimonialis Contractus. 5. Matrimonium, quod de Jure naturali validum est, pro tali habendum est, donec id D. vino, vel Ecclesiastico Jure irritatum reperiatur Extrav. Antique Joann. XXII. de Voto, tale est Matrimonium sine intentione conficiendi Sacramentum, imò cum contraria etiam intentione initum, neque reperitur textus ullus aut Divini, aut Ecclesiastici Juris, quo illud ita contractum sit irritatum. ergo &c. 6. Huic Sententiae faciet praxis Inquisitorum, Judicum, & communis sensus Ecclesiae; Matrimonia enim illorum fidelium, qui defleunt ad Judaismum, vera esse reputantur, cum tamen constet non contrariisse animo faciendi id, quod facit Ecclesia, utpote qui id potius irrident, & ob eam caufam secretò prius contrahunt, & postmodum in Ecclesia se fingunt more Catholicorum contrahere.

²⁰² Sed longè verior est sententia negans, posse fideles baptizatos Matrimonium contrahere, quod verum sit, & validum in ratione Contractus, & rationem Sacramenti non habeat. Ita Petr. de Ledeim. de Matr. q. 42. art. 1. dub. 7. in solut. ad 1. & 2. Sanch. l. 2. de Matr. D. 10. n. 6. Conink. D. 24. dub. 2. concl. 4. Laym. l. 5. tr. 10. p. 2. c. 2. n. 2. & porro, Pal. tr. 28. D. 2. p. 2. n. 5. Lilsung. Theol. præl. tr. 6. D. 7. n. 37. Pith. hic n. 74. Schamb. n. 120. Wiest. n. 161. Ostenditur 1. quia Concilia Florent. & quinto, & S. septimum cit. & Trid. sess. 24. can. 1. de Sacram. Matrim. cùm dicunt fidelium conjugium verè, & propriè Sacramentum esse, id dicunt indefinitè, & sine distinctione, vel exceptione, igitur comprehendunt omnia Matrimonia, quæ a fidelibus validè ineuntur. 2. Quia fideles, dum contrahunt Matrimonium, debent illud non Ethnicorum, & Gentilium, sed Christianorum more, & secundum Christi institutionem contrahere. atqui secundum Christi institutionem omne Matrimonium, quod apud fideles legitimum est in ratione Contractus, etiam est Sacramentum. Ergo qui volunt contrahere Matrimonium, quod apud fideles legitimum sit in

ratione Contractus, etiam volunt confidere Sacramentum. 3. Quia qui vult unum ex duobus inseparabiliter secum connexis, etiam vult alterum ita connexorum. Atqui esse Sacramenti apud fideles ex Christi institutione est omnino inseparabile ab esse Matrimonij. Ergo intentioni legitima faciendo Matrimonium, ut est Contractus, repugnat intentio non confidendi Sacramentum. 4. Si à fidelibus Matrimonium valide posset contrahi, quin contrahendo confidant Sacramentum, possint etiam licet rationem Sacramenti à Contractu Matrimoniali separare, atque excludere, siquidem nulla Lex Divina, aut humana ostendi potest, quæ eos adstringat ad utrumque coniungendum, si verè separari haec rationes possint: imò aliquando ad vitandum Sacilegium, quod committunt Sponsi contrahendo Matrimonium in statu peccati mortalis, conduceret rationem contractus separari à ratione Sacramenti. 5. Si ratio Sacramenti in Matrimonio posset separari à ratione Contractus, male statisset Ecclesia, quod Matrimonia, quæ olim clandestine celebrabantur, fuerint rata, & conf. Sacraamenta; nam cum peccatum non presumatur, præsumi debuisset, quod ita contrahentes clam, ad evitandam irreverentiam Sacramenti, voluerint potius illud contrahere cum intentione excludendi rationem Sacramenti à ratione Contractus, atqui Ecclesia Matrimonia illa pro ratis, & conf. pro Sacramento habuit, ut pater ex Trid. sess. 24. c. 1. de reform. Matr. ergo &c.

Ex quo sequitur quid sentiendum sit ²⁰³ de Matrimonij Hæretorum, qui, dum contrahunt Matrimonium, nolunt confidere Sacramentum; nam distinguendum est: Vel enim volentes ita contrahere, absolute, & nullo modo volunt suscipere Sacramentum, vel solum nolunt suscipere Sacramentum propter errorem speculativum, quo putant Matrimonium non esse Sacramentum, ita tamen, ut velint contrahere eo modo, quo fideles, & Christiani in Ecclesia Christi solent, & possunt contrahere. Si primum, nihil efficiunt; quia intentio posterior priorem elidit, ac destruit, cum, ut dictum est, esse, & ratio Sacramenti ex Christi institutione sit inseparabilis à Contractu Matrimonij. Si secundum, nihilominus suscipiunt, & sibi invicem administrant Sacramentum; quia error illorum particularis per intentionem generalem contrahendi Matrimonium, prout illud à fidelibus potest, & solet contrahi, tollitur, vel corrigitur.

Neque obstant Argumenta in contra-²⁰⁴ rium n. 301. allata. Ad 1. Eo casu due concurrunt intentiones in sic contrahentibus, una legitima contrahendi Matrimonium, prout à fidelibus contrahi potest, & solet, altera erronea contrahendi illud in ra-

dione solius contractus, quae cum merito de contrahentium mente presumatur, quod velint contrahere validè, & non vivere in perpetua fornicatione, erit conditionata, si scilicet ratio contractus legitimi separari à ratione Sacramenti possit. igitur cum separatio hæc ex institutione Christi fieri nequeat inter fideles, intentio hæc secunda erronea operabitur nihil; cons. prævalebit prior generalis, quæ hoc ipso virtualiter in rationem Sacramenti fertur, quod feratur in rationem Contractus legitimi, à qua ratio Sacramenti apud fideles separari nequit. *Ad 2.* Negatur paritas; nam conditio rationem Sacramenti excludens à Matrimoniali contractu adversatur substantia Matrimonij; unde potius habebitur pro non adjecta, sicut aliae conditiones turpes, & impossibilis: vel si contrahentes absolute nolint contrahere sub ratione Sacramenti, etiam viabiliter Matrimonium in ratione Contractus, & contrahentes nihil omnino agent sic contrahendo. *Ad 3.* Hoc ipso, quod allegata Concilia definitivè, Matrimonium fidelium Sacramentum esse, etiam definitivè intelliguntur, quod ad illius valorem necessaria sit intentio conficiendi, & suscipiendo Sacramentum. Matrimonium, per Procuratorem contractum, Sacramentum non esse, dicunt quidem aliqui, sed improbabiliter, ut dictum est supra n. 298. *Ad 4.* Retorsioam Argumentum hoc patitur in Matrimonio clandestino; nam ante Trid. Decretum, quo clandestina Matrimonia sunt irritata, valuit intentio contrahendi clam, quam intentionem modo post illud Decretum contrahentes habere non possunt. Directè respondeo, Matrimonialis contractus substantiam per elevationem ad rationem Sacramenti non fuisse immutatam, fuisse tamen annexam conditionem Sacramenti, ita, ut sine hac Matrimonium in ratione Contractus non sit legitimum. *Ad 5.* Pater ex modo dictis, & probationibus allatis n. 302. *Ad 6.* Matrimonia illorum verè sunt Sacraenta; quia verè, & absolute intendunt facere, quod Ecclesia requirit, ut Sacramentum Matrimonij constat, nempe intendunt sibi invicem corpora ad usum conjugalem tribuere, quod est ab Ecclesia pro Sacramento Matrimonij requisitum, tametsi ea non præsent, ut Ecclesia Catholica conformentur.

Quæritur 8. An Matrimonium à fidibus contractum sit duplex Sacramentum, an unum tantum? Aliqui apud Petr. de Ledesm. de Matr. q. 42. art. 1. dub. 3. ad 3. dicunt esse duo Sacraenta particula, & unum totale, sicut contingit in duplice Eucharistie specie. Sed dicendum, esse unicum tantum. Ita Petr. de Ledesm. l. cit. Henr. l. 11. de Matr. c. 2. n. 1. pr. Sanch. l. 2. de Matr. D. 10. n. 5. Conink. D. 24. dub. 2. n. 24. Perez D. 19. de Matr. R. P. Schmalzgrueber L. IV.

scilicet 5. n. 4. Schambog. hic n. 16. Wiest. ibid. n. 158. & hoc teste melioris nota DD. cæteri. Ratio est; Quia ad statum Sacramenti elevatus est contractus Matrimonialis inter fideles initus, atqui Matrimonium, licet consensu, & acceptatione utriusque contrahentis compleatur, unicus tamen contractus est, unicum duntaxat vinculum ad individuam vitæ Societatem, & actuum conjugalium exhibitionem obligans ex parte utriusque, ergo. Neque refert, quod recipiatur in utroque: quia est accidens formæ morale, quod non repugnat recipi in subiecto duplice; sic enim etiam una potestas eligendi Episcopum residet in toto Capitulo. Ad id, quod ab Adversarijs additur de Eucharistia, negatur paritas; nam in hac duplex species constituit Sacramentum partiale duplex, quia quavis species per se constat ex sua materia, & forma, habetque veram rationem signi, & gratiam confert: non ita contingit in Matrimonio; quia in hoc utriusque consensus, & acceptatio unum constituit Contractum, & unum signum representans unicam unionem Christi cum Ecclesia, quam unionem neuter consensus sine altero representare potest. ergo &c. Ex quo sequitur solutio illius, quod

Dubitatur: An Sacramentum sit Matrimonium, quod fidelis cum infidieli ex Apostolica Dispensatione init, ut quondam S. Monica cum Patrio patre S. Augustini, Clothildis cum Clodovæo Francorum Rege adhuc Ethnico? Ita quidem Sot. in 4. dist. 26. art. 3. fin. Joann. Eckius tom. 4. homil. 73. de sacram. existimantes, Sacramentum esse, fatem ex parte conjugis fidelis: cui opinioni videtur patrocinari ratio; quia ejusmodi conjugium est verus Matrimonialis Contractus. Atqui huic, si à fidelis sit initus, Christus contulit vim, & dignitatem Sacramenti. ergo &c. *Conf.* Quia tale Matrimonium tribuit sanctitatem aliquam conjugi etiam infidieli contrahenti cum conjuge fidelis, juxta illud 1. Corinth. 7. v. 14. ubi Paulus, Sanctificatus est, inquit, vir infidelis per mulierem fidelem, & sanctificata est mulier infidelis per virum fidelem. Ergo multo magis sanctitatem conferet parti fidelis. Si autem hanc confert, Sacramentum est. ergo &c.

Sed dicendum, non esse Sacramen-³⁰⁷tum etiam ex parte conjugis fidelis. Ita Angles flor. p. 1. de Matr. q. 12. de dñsp. cult. art. 1. dub. 1. Henr. l. 11. de Matr. c. 2. fin. &c. l. 12. c. 13. n. 3. Sanch. l. 2. de Matr. D. 8. n. 2. Gutier. c. 42. de Matr. n. 4. Valq. de Matr. D. 2. c. 4. n. 10. & c. 10. n. 113. Conink. D. 24. dub. 2. concl. 6. Pont. l. 1. c. 6. n. 7. Laym. l. 5. tr. 10. p. 2. c. 2. n. 1. Pal. tr. 28. D. 2. p. 2. n. 11. Pirh. hic n. 71. in fin. Schamb. n. 116. Wiest. n. 165. Mag. nif. P. Schmier p. 2. de Matr. c. 1. n. 41.

& plerique cæteri, præsertim RR. Ratio est; quia sicut unus in utroque conjugi est contractus, ita unum quoque, & utrumque contrahentium afficiens Sacramentum, ut dictum est n. 305. igitur vel in utroque esse Sacramentum debet, vel in neutro, sicut in utroque, vel in neutro est contractus. non potest autem esse Sacramentum ex parte infidelis, utpote qui ante Baptismum est Sacramenti recipiendi incapax. ergo neque ex parte fidelis Sacramentum erit.

308 Ad Rationem in contrarium allatum dico, ad statum, & dignitatem Sacramenti solum elevatum esse contractum Matrimoniale inter fideles. hic autem Contractus non est inter fideles initus, sed tantum inter fidelem, & infidelem. Ad Conf. Sanctificatio, de qua S. Paulus in textu cit. non est Sacramentalis, utpote cuius, ut modò dictum est, infidelis capax non est; sed eo nomine intelligitur conversio ad fidem, quæ ex cohabitatione, & conversatione cum fidei coniuge separari potest.

309 Quæritur 9. An Matrimonium, ab infidelibus contractum, si isti convertantur ad fidem, transeat in Sacramentum? Affirmant complures magni nominis DD. qui tamen bisariam dividuntur; nam aliqui cum Sanch. l. 2. de Matr. D. 9. n. 5. Gutier. 6. 42. de Matr. n. 5. Pirh. bic n. 71. Schambog. n. 113. volunt ita transire ipsa Baptismi susceptione. Alij contrà cum Petri de Ledesm. de Matr. q. 59. art. 2. dub. 3. Bellarm. l. 1. de Matr. c. 5. in fin. Henrig. l. 11. de Matr. c. 8. n. 1. fin. Laym. l. 5. tr. 10. p. 2. c. 2. n. 6. Magnif. P. Schmier p. 2. de Matr. c. 1. n. 44. contendunt hunc transitum primum fieri, quando post Baptismum susceptum conjuges verbis, vel alijs signis externis expreſſe renovant consensum pristinum. Utrique allegant pro se S. Thom. in 4. dist. 39. q. un. art. 3. ad 1. ubi afferit, Infidelium Matrimonium Sacramentum esse, non actu, sed habitu; videtur enim velle dicere, quod quidem non sit Sacramentum, dum actu ab ijs contrahitur, sed tale efficiatur, quando baptizantur, vel saltem, quando suscepto Baptismo renovant consensum, ne otiosa sit potentia, si in actum nunquam reduci posset. Rationem dant; quia Matrimonium illud Infidelium statim, ac conjuges isti baptizantur, fit ratum, ac insolubile, ita, ut dissolvi amplius nequeat quoad vinculum, etiamsi alter, vel uteque potea à Fide deficiat: & hinc non secus, ac Matrimonium contractum à fidelibus, & consummatum, jam perfectè significat conjunctionem Christi cum Ecclesia. Igitur non minus erit deinceps Sacramentum, ac Sacramentum est, quod initum est à baptizatis. Conf. Si deesset aliquid Sacramento, defecetus ille se haberet ex parte materiae, vel ex parte formæ. Atqui neque ex parte ma-

teriae, neque ex parte formæ defectus est; quia in Matrimonio materia, ut n. 289. dixi, est traditio corporum mutua, forma utriusque conjugis in eam traditionem sibi factam consensus. hic autem consensus non deest; cum enim ad Baptismum quasi ex natura rei consequatur insolubilitas Matrimonij, conjuges infideles hoc ipso, quod baptizari intendant, virtualiter, & implicitè intendunt etiam, ut præteritum Matrimonium sit insolubile, adeoque etiam Sacramentum: & sic consensus eo signo Baptismi expressus est nova materia, & nova forma hujus Sacramenti. Neque obstat, quod consensus iste sit tantum implicitus, & virtualis; nam etiā ejusmodi consensus, in ipsa susceptione Sacramenti inclusus, non sufficeret in ijs, qui nunquam antea erant conjuges, ad contrahendum de novo Matrimonium, sufficit tamen in ijs, qui antea fuerunt conjuges, ad Matrimonium, quod solum novum est in ratione Sacramenti, & insolubilitatis.

Verum probabilius est ejusmodi Matrimonium in Sacramentum nunquam transire. Ita Vasq. in 3. p. D. 138. c. 5. & tom. 4. D. 2. de Matr. c. 10. Coninck D. 24. dub. 2. concl. 7. Pont. l. 1. c. 9. n. 8. Pal. tr. 28. D. 2. p. 2. n. 14. Perez sc̄t. 11. n. 5. Dian. p. 3. tr. 4. refol. 253. Bosco sc̄t. 4. concl. 6. per totam, Wiest. bic n. 167. Ratione est; quia ad rationem Sacramenti elevatus est solus contractus secundum Leges humanas perfectus, sive traditio, & acceptatio mutua corporum ad individuam vitæ societatem, & actus ex se apertos ad generationem prolis. atqui contractus iste nuptialis non fit actu tempore Baptismi suscepiti, nec tempore post hunc susceptum renovati consensus. ergo neutro tempore conjugium infidelium ad fidem conversorum Sacramentum efficietur. Major Propositio constat ex n. 295. Minor ostenditur 1. quia consensus ille virtualis contentus in susceptione Baptismi, vel actualis subsequens non est novus contractus, & traditio, sed tantum approbatio contractus, & traditionis jam ante facta; alias quoties fideles contractum prius factum approbant, novum Sacramentum Matrimonij suscipiunt: quod est absurdum. 2. Quia ex Matrimonio ab infidelibus contracto, si deinde convertantur ad fidem, supete quaf natura insolubilitas, & significatio unionis Christiani cum Ecclesia nascitur, neque aliquid ad id contribuit consensus ille virtualis, vel subsequens actualis, utpote quo non dato, adhuc datur ille effectus, quo dato, non augetur. 3. Quia etiam fideles, dum consummant Matrimonium, faciunt, ut hoc acquirat insolubilitatem omnimodam, & perfectam significationem Sacramenti, quam ante consummationem non habebat, neque tamen sic consummando denuo suscipiunt

punt Sacramentum, ergo multo minùs infideles ad Fidem conversi.

³¹¹ Neque obstat authoritas S. Thomæ allegata in contrarium; nam ut textum illum explicat Perez l. cit. n. 7. Doctor Angelicus ibi nomen Sacramenti non accepit strictè pro signo pratico gratiæ sanctificantis, sed latè pro signo speculativo repræsentante unionem Christi cum Ecclesia, quam significationem hoc Matrimonium, dum conjuges adhuc infideles sunt, solum habitu habet, actu autem acquirit post susceptionem Baptismi. Ad Probationem ex Ratione omnino dant illam insolubilitatem, & vim significandi unionem Christi cum Ecclesia Matrimonium infidelium ad Fidem conversorum non consequitur ex eo, quod illud

post Baptismum transeat in Sacramentum, sed ex duplice alia causa, quarum prima est; quia dissolutio Matrimonij infidelium solum permitta à DEO est favore Religionis Christianæ, quæ causa, utroque coniuge ad Fidem converso, cessat. Altera est Matrimonij consummatio, post quam nec ingressu Religionis, nec dispensatione Apostolica solvi potest. Ad Conf. Patet ex dictis n. prec. quod ille solum consensus constitueri Sacramentum in Matrimonio possit, qui est traditio mutua corporum, & hujus traditionis acceptatio. atqui consensus ille virtualis inclusus in Baptismo, vel actualis subsequens, ut ibidem ostensum est, non est traditio talis, sed acceptatio tantum traditionis jam ante factæ. ergo &c.

§. III.

De Effectibus Matrimonij, & mutua Obligatione Conjugum.

S U M M A R I U M.

- 312. 313. Effectus Matrimonij communes utriusque conjugi sunt primò Gratia sacramentalis.
- 314. Secundò Vinculum, & Fides Conjugalis.
- 315. Tertiò Legitimitas prolixi, & mutua rerum communio.
- 316. 317. Quæ sit obligatio conjugum ad cohabitandum?
- 318. 319. 320. 321. Ad aliendos Liberos?
- 322. 323. Ad usum Matrimonij?
- 324. 325. 326. An reddi, & peti debitum possit ab eo, qui cum dubitaret de valore Matrimonij, illud tamen mala fide contraxit?
- 327. 328. Quid, si dubium superveniat post Matrimonium ab utroque bona fide contractum?
- 329. An eo casu, si post adhibitam diligentiam, aduc maneat dubium, ita dubitans possit petere debitum?
- 330. Resolvitur Affirmativa.
- 331. Respondetur ad Argumenta opposita.
- 332. Quid dicendum, quando uterque conjux dubitat de valore Matrimonij bona fide contracti?
- 333. An si in hoc casu unus ante adhibitam diligentiam illicitè petat debitum, alter teneatur reddere?
- 334. Quid si post adhibitam diligentiam aduc maneat dubium?
- 335. Solvuntur Objectiones.

Effectus Matrimonij sunt triplicis generis; nam aliqui communes sunt utriusque Coniugi, alij Marito, alij Uxori proprii.

³¹² Quid Ueritur 1. Quinam sint Effectus communes utriusque Coniugi? 2. Quinque maxime enumerantur. Inter hos Primus, & inter ceteros eminentis est Gratia,

- 336. 337. Quid Juris, si post contractum bona fide Matrimonium, habeatur opinio probabilis de nullitate Matrimonij?
- 338. Quinam sint effectus singulares Matrimonij ex parte mariti?
- 339. Quæ sit obligatio uxoris erga maritum suum?
- 340. Quando virum mutantem domicilium non teneatur sequi?
- 341. An marito Illustri erga uxorem Illustris Jurisdictio competat? Argumenta sententiae negantur.
- 342. Fundamenta affirmativa sententiae.
- 343. Respondetur ad Argumenta prima.
- 344. Quam potestatem maritus habeat in Liberorum suorum personas?
- 345. Et bona?
- 346. An solvatur per Nuptias filii?
- 347. Effectus Matrimonii uxori proprii sunt primò, ut participet dignitatem, & nobilitatem mariti?
- 348. Ubi de casu, quo illa nubit marito conditionis inferioris.
- 349. Secundo, ut participet pleraque ejusdem privilegia.
- 350. Tertiò, ut acquirat idem cum eo domicilium, & forum.
- 351. Quartò, ut petere ab eo alimenta possit, nisi temere ab ipso discedat.
- 352. Vel dos promissa non sit numerata.
- 353. Vel maritus sit pauper.

quam Matrimonium, ut Sacramentum est, confert conjugibus fidelibus, prout definita Sacra Synodus Trid. sess. 24. can. 1. de Sacr. matr. Quem effectum, si conjuges per peccatum grave in hujus Sacramenti susceptione impediverint, possunt eundem recuperare, si durante Matrimonio removeant obicem. Suar. D. 22. sec. 6. v. secundò binc

infero. Conink de Sacram. in gen. q. 62. art. n. dub. s. n. 76. Laym. l. 5. tr. 1. c. 7. n. 5. Pal. tr. 18. D. un. p. 9. n. 5. ¶ ob eandem. König hic n. 114. Ratio est; quia vivente altero coniuge, Sacramentum hoc iterari non potest, sed recipientem constituit in statu quasi immutabili: & propterea credendum non est voluisse Christum hoc Sacramentum fidè suscipientem privare illius effectu, sed potius presumendum voluisse concedere, si ipse capacem se esse reddiderit, & ante illius solutionem removerit obicem; quod fieri potest vel Contritione vel Attritione cum Sacramento Poenitentiae.

813 *Dixi autem notauer, si ante solutionem Matrimonij removerit obicem;* quia si primum, soluto per mortem alterutrius conjugio, impedimentum removeatur, nulla adest causa, ob quam affirmemus tunc concedi gratiam, quæ per obicem in susceptione ipsa Sacramenti impedita fuit: vel enim pars superstes in statu Viduitatis intendit persistere, & tunc gratiâ illâ, quæ per Sacramentum Matrimonij confertur, non indiget, cum illa detur ad sustinenda onera Matrimonij: vel alias nuptias cogitat, & tunc si rite disposita illas contrahat, Gratiam Sacramentalem in harum contractu recipiet.

814 *2. Effectus communis est Vinculum conjugale,* vi cuius obligantur ad individuam vitæ societatem, aliter tamen in Matrimonio tantum legitimo, aliter in Rato, & aliter in consummato. Nam Matrimonium legitimum etiam consummatum solvi potest, quando unus Conjugum convertitur ad Fidem, alter in infidelitate permanet, & cohabitare converso aut non vult, aut non sine injuria Creatoris. Ratum solvi Dispensatio Apostolica, & Professione Religiosa potest. Consummatum fidelium sola morte solubile est: de quo infra Tit. 19. de Divort.

3. Fides Conjugalis: quæ tria ab ipsis Conjugibus exigit. 1. Ut conjugi vivente, quantumvis diutissimè absit, cum alia persona matrimonium alter non contrahat, nec ullo modo sive in affectu, sive in effectu carnaliter commisceatur c. in presencia 19. b. tit. 2. Ut vir, & uxor sibi debitum reddant. 3. Ut ambo conjuges mutuo cohabitent, amorēisque, & amicitiam mutuam sibi exhibeant.

815 *4. Bonum Prolis:* quod & ipsum tria continet. *Primum* est Legitimitas Prolis; nam Proles, ex Matrimonio aut verè, aut putativè iusto suscepta, Legitima efficitur, & capax successionis in bona paterna, & materna, nisi sint Filii Morganatici: de quibus suprà à n. 237. *2. Recta prolium educatio* in probis moribus, vera Religione, pietate, & artibus: quæ stante Matrimonio principaliter incumbit Patri, tanquam familiae capitì; hoc soluto, transi-

ad Matrem l. *educatio* 1. C. ubi pupilli educari, si, ut l. cit, dicitur, non vitricum eis induxit. *3. Alimentatio* earundem: quæ præcipue onerat Patrem l. si quis s. §. sed utrum 1. ff. de agnosc. & aliend. liber in hujus defectum Ascendentes paternos tangit l. cit. §. sed utrum, & §. utrum autem 2. & his deficientibus denique ad Matrem, hæc que mortua ad Ascendentes maternos transfir. cit. §. ergo & matrem 4. & l. non quemadmodum 8. ff. eod.

5. Mutua rerum, & bonorum communionis, non quoad proprietatem, sed promiscuum ulum, siquidem Jure communice res mariti uxoris sunt, nec res uxor (excepta dote) mariti l. cum aliter 1. §. ff. vir 15. ff. de S. C. Silanian. l. hac lege 8. & l. fin. C. de paup. convent. & tot. tit. C. ne uxor pro marito Sc. Hæc satis certa: sed quia ampliorem sui explicationem exigunt, idcirco ulterius.

Dub. 1. Quæ sit obligatio conjugum ad coabitandum? *2. Conjuges tenentur simul habere, non tantum in eadem domo, sed etiam communis mensa, & thoraco uti, saltem ut plurimum c. pervenit 1. & c. quoniam 2. de conjung. leprof.* Colligitur etiam ex illo Gen. 2. *Propter hoc reiunques homo patrem suum, & matrem suam, & abberbit uxori sua Sc. & confirmatur ex illo Matib. 5. Omnis, qui dimiserit uxorem Sc.*

Excipitur 1. nisi uterque in separationem thori consentiat; nam cum consenserit utriusque separatio ejusmodi fieri potest, quod indicat S. Paulus 1. Cor. 7. Nolite fraudare invicem, nisi forte ex consense ad tempus Sc. modò adsit legitima causa, & ablit periculum incontinentia in utroque conjugi.

Excipitur 2. si justa causa subsit, ut si vir evocetur ad bellum à Principe, vel ob gubernandam, & regendam Provinciam abesse cogatur; tunc enim discedere maritus ab uxore etiam invita potest, & tamdiu abesse, quamdiu negotiorum tractandorum, quorum causâ abeat, ratio petit: & ratio est; quia tunc uxor non est rationabiliter invita.

Excipitur 3. Si brevi sit reversurus, ut si brevem peregrinationem instituere velit; nam & hanc instituire invita uxore potest, ex ratione paulò antea data, quia scilicet tali casu uxor non potest esse rationabiliter invita.

Extra hos casus non potest maritus ab uxore discedere: imò si etiam ex causa necessaria discedat, ita, ut diu non sit reversurus, tenebitur secum ducere uxorem, si sumptus necessarij ad secum ducentam uxorem sufficerat, ut rectè Sanch. l. 9. D. 4. n. 14. Pal. tr. 28. D. 3. p. 5. §. 1. n. 5. apud quos plura de obligatione ad coabitandum D. 4. & §. 1. cit.

Dub.

³¹⁸ Dub. 2. Quæ sit obligatio utriusque conjugis ad alendos liberos? ³¹⁹ Ad alimentationem, ut n. 315. dixi, principali- ter tenet Pater, Mater in defectum dun- taxat. Et hoc verum est. I. Non tantum si Liberi triennium jam exceperint, sed etiam si recens in lucem hanc editi fuerint; in modo si adhuc in utero delituerint l. *curator s. ff. de ventr. in poss. ff. mittend.* quantumvis enim in l. nec filium 9. C. de patr. potest. Infinuari videatur, quod ad alimenta primo triennio praestanda obligetur mater, id tamen, ut recte l. cit. cum alijs explicat Lauterbach tit. de agnosc. & atend. liber. §. 13. solùm intelligendum est de alimento lactis, non de ceteris, quæ statim pater subministrare tenetur l. si competenti 3. C. eod. Coler. tr. de aliment. l. 1. c. 6. n. 4. Miller. ad Struv. Exercit. 25. th. 74. Magnif. P. Schmier p. 2. de matr. c. 3. n. 110. §. 111.

³¹⁹ 2. Extenditur etiam ad filios natu- rales, & illegitimos, etiam Spurios, ut patet ex c. cum haberet s. in fin. de eo, qui duxit &c. a quo correctum est Jus Civile prohibens alimenta præstari Spurios, sive ex damnato coitu natis. Autb. ex complexu C. de incepi. nupt. & Novell. 89. c. 15. quam Ju- ris Ecclesiastici dispositionem etiam in foro faculari servandam, allegatis præjudicij, ve- lut pro certo tradunt Gall. l. 2. obs. 88. n. 4. §. 12. Coler. l. 1. cit. c. 3. à num. 33. Lauterbach, l. cit. §. 16. Ratio est; quia Juri naturali repugnat videtur, ut proles, quæ dehætum non commisit, sit inferioris conditionis, quam brutum, atque à paren- tibus, à quibus accepit vitam, per subtra- ctionem alimentorum vitâ denuo spolie- tur.

³²⁰ 3. Extenditur non tantum ad cibum, & potum, sed ad vestitum l. verbo 43. ff. de V. S. habitationem l. legatis 6. ff. de ali- ment. vel cibar. legat. supellecitem domes- ticanam, & medicamenta. Coler. de aliment. l. 2. c. 1. n. 2. Miller. l. cit. thef. 77. in not. à Lit. A. & cetera, quibus tuendi, curandive corporis nostri gratia utimur, ut loquitur Ca- jus l. & cetera 44 ff. de V. S. In modo etiam ad sumptus pro Studiis; nam licet Pater ad studia applicare filium, nisi conditio Statutus hoc exigat, & sumptus pro istis submini- strare non teneatur, si tamen ad ea ipsum semel admovit, & is capacitatē ingenij ad- jungat industriam, & profectum, impensas (h ulterius istud poslit) largiri deinceps compellitur. Miller. l. cit.

³²¹ Cessat autem hæc obligatio alendi li- beros in Parentibus casu duplice. Primus est; si filii aliunde sustentationem sufficien- tem habeant, aut per exercitium artis vel liberalis, vel mechanica, famulatūmve ho- nescum acquirere illam possint; tunc enim, si spectata personæ, & statutus qualitate hoc possint, parentes alimenta ipsiis subministra- re non tenebuntur l. si quis s. sed si filius

7. ff. de agnosc. & alend. liber. Alter casus est, si talēm in parentes commiserunt ingra- titudinem, ut exhæredari valeant l. si quis cit. §. idem *Judex* 11. nam, ut ibidem notat Gothofred. Lit. S. ex quibus causis potest parentes filium exhæredare, ex iisdem potest eidem denegare alimenta, & dotem.

Dub. 3. Quæ sit obligatio Conju- ³²² gum quoad usum Matrimonij, seu actum conjugalem? ³²³ Uno petente, alter te- netur reddere; petere vero debitum per se neuter tenetur.

Pars I. habetur ex S. Paulo 1. Co- rinth. 7. v. 3. ubi Apostolus, *Uxor*, inquit, vir debitum reddat, similiter autem *uxor vi- ro*. Item Gen. 2. ubi dum DEUS ad pri- mos nostros Parentes, *Crescite*, inquit, & multiplicamini, præcipit actum conjugalem. Estque obligatio hæc ex genere suo gravis, ita, ut mortaliter peccet Coniux debitum negans, si istud alter conjux serio, instan- ter, & rationabiliter petat, nec ulla inter- veniat causa legitimè excusans ab obligatio- ne reddendi, ut communiter docent Theolo- gii. Ratio est; quia coniux per ipsum Matrimonij contratum corporis sui domi- nium in ordine ad actum generationis in alterum transtulit. Ergo hic vi contra- ctitus, adeoque ex Iustitia tenetur reddere debitum. Et hinc sequitur, actum conju- galem per se, & ex natura sua licitum, & honestum esse, ut habeat Catholica Veritas contra quosdam Hæreticos, præsertim Ma- nichæos, qui Matrimonium volebant esse malum. Convincitur sequela manifes- tæ veritatis; nam DEUS, ut dictum est, præ- cepit actum conjugalem; actum autem ex se malum DEUS non potest præcipere. Er- go &c.

Pars altera ex eo ostenditur; quia ³²³ nullus tenetur uti jure suo, quod per se ad salutem corporis, vel animæ non est nec- essarium, & quod per se tantum, & in finum jus illud habentis commodum introductum est, sed potest juri suo is renuntiare c. ad Apostolicam 16. de Regular. tale jus est jus petenti debitum conjugious competens. Er- go &c. Addidi autem per se; quia per acci- dens, non quidem ex propria obligatio- ne Iustitiae, sed ex Charitate coniux tenetur petere debitum, si ex signis colligat, aut credat alteri coniugi alias imminere pericu- lum incontinentiæ, quod petendo possit avertire: hujusmodi autem petere est mor- aliter reddere. Schamb. bic n. 175.

Dub. 4. An reddi, & peti debitum ³²⁴ possit ab eo, qui cum dubitaret de valore Matrimonij ob suspicionem latentis impedi- menti, illud tamen mala fide contraxit? Sotus in 4. disf. 27. q. 1. art. 3. ¶ alia ve- rò, & disf. 37. q. un. art. 5. ad fin. ¶ dum vero coniugatus cum quibusdam alijs purat, eum nec posse petere, nec reddere debi- tum. Rationem dant; quia possessio mala fide

fide incepta non suffragatur, & ita claudicat Matrimonium ex parte habentis malam fidem, ergo non potest petere debitum. Sed neque reddere potest; cum enim dubitet, an validum sit revera Matrimonium suum, reddendo debitum exponeret se fornicationis periculo.

¶25 Sed dicendum, hunc non posse debitum conjugale petere, posse tamen reddere alteri, qui bona fide contraxit. Ita *Sylv. V. Matrimonium 4. q. 9. dist. 3. Henr. l. 12. de matr. c. 6. n. 5. § 7. comment. Lit. S. Barth. à Ledesm. dub. 20. de Matr. concl. 1. Sanch. l. 2. de matr. D. 42. n. 2. Conink D. 34. de matr. dub. 10. n. 101. Laym. l. 1. tr. 1.c. 5. §. 3. n. 23. Pal. tr. 28. D. 3. p. 5. §. 9.m.6. Pirk. hic n. 180. & probatur arg. c. significavit 2. de secund. nupt. ubi deciditur, conjugem, qui nondum de prioris sui conjugis obitu certus contraxit, non posse debitum petere, et si hoc negare non possit postulanti, qui bona fide contraxit.*

Partem 1. responsoris probat Argumentum in ratione dubitandi allatum; quia scilicet jus petendi debitum non acquiritur, nisi per contractum bona fide initum, & possessionem bona fidei, atqui talis conjux, dum fide dubia contraxit, iniit contractum Matrimonium mala fide. ergo per eum contractum non acquisivit jus petendi debitum.

¶26 Pars 2. offenditur; quia alter ratione contractus bona fide initi est possessor bona fidei, adeoque habet jus petendi, & utendi re, quam bona fide putat esse suam. Igitur jure suo spoliari non debet ob malam fidem alterius, quamdiu non constat nullum esse Matrimonium. Spoliaretur autem jure suo, si negaretur illi debitum. Ergo &c.

Ad Argumentum in contrarium allatum dico, eam fornicationem, si forte Matrimonium sit nullum, solum esse materialem: major autem est obligatio non irrogandi certam injuriam alteri conjugi, quam vivandi periculum materialis fornicationis, quod dubitans evitare nequit, nisi cum injuria alterius.

¶27 Dub. §. An reddi, & peti debitum possit, si post Matrimonium bona fide conjugis utriusque contractum, uni superveniat dubium de valore illius? Plerique DD. in hoc convenientur 1. quod teneatur reddere debitum alteri conjugi non dubitanti: & probatur hoc eo modo, quo pars secunda responsoris ad Dubium praecedens, quia scilicet propter dubium, vel etiam probables, non tamen certas rationes non potest alter privari possessione Juris sui justè acquisita; ad hoc enim requiritur, ut aliquis sit certus rem non esse possidentis.

2. Consentunt in id omnes, non posse petere, antequam adhibuerit sufficientem

tem diligentiam ad veritatem cognoscendam: quia generaliter, quando quis dubitat, an res sit sua, quamvis eam retinere possit, non tamen potest ea uti, donec veritatem inquirat; frustra enim inquireret, si non teneretur eam domino conservare. Ergo similiter in nostro casu non potest conjux dubitans debitum petere, quod est uti Matrimonio, & actus dominij, et si possit reddere, quod est solum pati actum dominij alterius, qui cum sit bona fidei possessor, non potest eo injustè privari.

Difficultas est, an si adhibita diligentia, adhuc maneat dubium, ita dubitans debitum possit petere? Videtur non posse petere. 1. Quia si cum tali dubio conjux dubitans petat debitum, periculum est fornicationis, cum periculum sit, an non sit invalidum Matrimonium. 2. Ante adhibitam diligentiam illicitum est petere debitum conjugi dubitanti. Ergo etiam si post adhibitam diligentiam dubium illud remaneat. 3. c. inquisitioni 44. de sent. Excomm. dicitur, si conscientia pulset animum ex credulitate probabili, & discreta, quamvis non evidenti, & manifesta; debitum quidem reddi posse, sed postulari non debere.

Sed respondentum est affirmativè. **¶28** Ita Sot. l. 4. de Jus. q. 5. art. ult. ad fin. & in 4. dist. 27. q. 1. art. 3. §. ino verò, & dist. 37. q. un. art. 5. ad fin. §. dum verò *Conjugatus*, Henr. l. 12. de Matr. c. 6. n. 5. § 7. Sanch. l. 2. de Matr. D. 41. n. 46. & 47. Conink D. 34. de Matr. dub. 10. n. 105. Pal. tr. 28. D. 3. p. 5. §. 9. n. 6. in fin. Pirk. hic n. 181. *Ratio est*; quia generaliter loquendo bona fidei possessor, si dubitet rem esse alienam, & post sufficiens examen nequeat dubium deponere, potest non tantum rem detinere, sed etiam illa uti, vel eam alienare; cum enim tali justè concedatur possesso, etiam concedi debent, quæ illam subsequi solent. Igitur etiam conjux dubius, si præmisso examine adhuc dubius maneat de valore Matrimonij, potest uti Matrimonio petendo, & reddendo debitum. *Conf.* quia iniquum videretur aliquem propter dubium superveniens, quod post adhibitam diligentiam deponere nequit, perdere jus legitimè acquisitum. Atqui ante hoc dubium conjux bona fide contrahens habuit jus petendi debitum. Igitur non obstante tali dubio superveniente, quod bonam fidem in possesso non tollit, nec interrupit, illud jus retinebit.

Neque resolutionem istam evertunt **¶29** Argumenta n. 329. allata. *Ad 1.* eo casu non est periculum fornicationis formalis, vel peccaminosa; quia stante hoc dubio speculativo de valore Matrimonij, potest simul confidere judicium practicum, quo prudenter judicatur, licitum esse hic & nunc usum juris conjugalis justè acquisiti: quod formari potest ex communi Regula, quia

quia in dubio melior est conditio possidentis, & in dubio nemo privandus est jure semel legitimè acquisito. *Ad 2.* quod ante adhibitam diligentiam conjux dubitans non possit petere debitum, causa non est tantum, quod adhuc dubium speculativum de valore Matrimonij, sed quia nondum est adhibita debita diligentia ad illud depонendum. Igitur quando post adhibitam debitam diligentiam dubium adhuc manet, illud impedit non amplius potest petitionem debiti, cum in hoc obligationi sua dubitans jam satisficerit, qui solum tenetur inquirere, quod ante ejusmodi inquisitionem formare prudens judicium nequeat, an usus conjugij ipsi licitus sit, vel illicitus. *Ad 3.* in c. 21. vel tantum agitur de conjuge, qui ab initio mala fide contraxit Matrimonium, quia scilicet dubitabat, vel dubitare debebat de ejus valore, ac proinde nunquam fuit bona fide possessor; vel locus ille intelligendus est de dubitante, qui diligentiam sufficientem inquiringenda veritatis non adhibuit, adeoque interim jure suo uti non potuit.

Dub. 6. Quid dicendum, quando uterque conjux dubitat de valore Matrimonij bona fide contracti? *Certum est* hoc casu neutrū posse petere ante præmissum examen debitum juxta dicta n. 328. Post examen sufficiens adhibitum, si adhuc persistat dubium, juxta resolutionem n. 330. datam petere uterque potest.

An vero, si in hoc casu unus ante adhibitum examen sufficiens illicite petat debitum, alter teneatur reddere, difficultas est. Affirmant Cordub. summ. q. 45. p. 3. fol. 113. Henrig. l. 12. de Matr. c. 6. n. 5. comment. Lit. T. Barth. à Ledesm. dub. 20. de Matr. concil. 1. Petr. de Ledesm. de Matr. q. 45. art. 1. ad fin. §. ad hoc dubium respondet. *Fundatur 1.* quia in dubio melior est conditio possidentis, uterque autem in hoc dubio possidet. *2.* Quia non obstat, quod illicite petat; nam etiam illicite petit conjux ligatus Voto simplici Castitatis, & tamen alter ita petenti tenetur reddere debitum.

Sed dicendum non teneri, nec posse in casu dato petenti reddere debitum, quando novit petentem esse dubium de valore Matrimonij, & nondum adhibitam diligentiam ad dubium illud vincendum. Ita Sanch. l. 2. de Matr. D. 41. n. 55. Pirk. bic n. 183. *Ratio est;* quia diligentia sufficienti non præmissa, possessio in dubio non confert jus utendi re. Ergo conjux tunc petens petit id, ad quod nullum jus habet, & ad quod possessio non suffragatur. Atqui si petens jus nullum habet, alter nequit reddere, si etiam ipse dubit; tota enim ratio, ob quam tenetur & potest reddere, est, ne alter jure quæsto privetur, quod in tali caso non sit.

R. P. Schmalzgrueber L. IV.

Dixi *diligentia sufficienti non premisit;* ³³⁴ quia hac adhibita uterque potest reddere, cum post sufficientem inquisitionem possessio conferat jus ad omnem usum. Addidi, *per etiam aliter dubitet, non teneri, nec posse reddere petenti;* quia exponeret se, & comparem periculo peccandi, & fornicationis non tantum materialis, sed formalis, cum talem redditionem jus nullum petentis legitimet. Aliud est, si unus duntaxat dubitet, & petat à non dubitante ante præmissum examen debitum; nam tali casu, eti conjux non dubitans, conscient dubij alterius, possit negare debitum (quia petens jus ad petendum tali casu non habet) potest tamen reddere, ut notat Sanch. l. cit. n. 56. Rationem dat; quia cum ipse sit in possessione pacifica, nec dubitet de Matrimonij valore, nec teneatur credere alteri afferenti, nedum dubitanti, potest uti plenè sua possessione petendo, & reddendo.

Ad 1. Arg. n. 332. propositum dico ³³⁵ in casu præsentis dubij meliorem esse conditionem possidentis, ne uxore spoliatur, non vero ut habeat jus usus Matrimonij; nam hoc jus dubium superveniens impedit, & suspendit, usque dum adhibita sit debita diligentia ad veritatem asequendam. *Ad 2.* nego paritatem: quia ligatus Voto simplici Castitatis habet jus verum ad petendum debitum, quamvis impeditum Religione Voti; & hinc quando petit, licet contra Religionem peccet, tamen vere sibi debitum petit. At qui dubitat, an Matrimonium suum validum sit, caret jure petendi, & possessionis suffragio, donec impendat diligentiam.

Dub. 7. Quid Juris, si quis post Matrimonium bona fide contractum utrinque habeat opiniones probabiles & de valore Matrimonij, & de nullitate illius? *rg.* In tali casu potest reddere, & petere debitum; quia licet amplecti opinionem probabilem valoris Matrimonij. Ita Petr. de Ledesm. de Matr. q. 45. art. 1. ad fin. in solut. ad ult. Sanch. l. 2. de Matr. D. 44. n. 4. Pirk. bic n. 183. fin. Imò, ut idem Sanch. l. cit. notat, id potest, eti probabilis crederet non valere Matrimonium, modò habeat opinionem vere probabilem de valore ejusdem. Ratio est; quia potest se conformare opinioni probabili, etiam probabiliore recta.

Aliud esset, si adesset credulitas de ³³⁷ nullitate, & contra hanc non militaret aliud iudicium probabile; nam tali casu, etiam post adhibitam diligentiam, si opinio de nullitate deponi non potest, ita opinans petere debitum nequit: in quo distinguitur opinans à dubitante; dubitanti enim post diligens examen suffragatur possessio, non vero habenti assensum opinativum. Sanch. l. cit. n. 2. *Reddere tamen debitum altero*

K

pe-

petente debet, prout patet ex c. inquisitione
44. de sen. Excomm. ibi, si habeat con-
scientiam ex credulitate probabilit. & discreta,
quamvis non evidenti, & manifesta, reddere
debet. Ratio est; quia ut possim alium
sua possessione spoliare, oportet me esse
certum rem non esse suam. Est autem in hoc
casu alter non dubitans, sed credens Matri-
monium esse validum, in possessione legitima
Matrimonij. Ergo &c.

³³⁸ Quaritur 2. Quinam sint effectus
singulares Matrimonij ex parte Mariti? &c.
Inter hos principiū eminent duo, scilicet
Potestas Maritalis, & Patria. Illa se ad
uxorem extendit, quam viro, tanquam
capiti, in ordine ad gubernationem, &
administrationem domesticam subjicit juxta
ordinationem Divinam Gen. 3. v. 16. Ephes.
5. v. 22. & 1. Corinth. 11. Ista circa Li-
beros occupatur, vi cuius Maritus perso-
nas illorum regere, actiones ipsorum in
bonum familie dirigere, & res eorum (ser-
vata Peculiorum distinctione) ad utilitatem
propriam applicare conceditur, per ea, quæ
congerunt Inerpp. ad tit. Inf. de patr. potest.

³³⁹ Dub. 1. Quæ sit obligatio uxoris erga maritum suum? &c. 1. Non potest
uxor à viro discedere, etiam peregrinandi
causā ad locum sacrum, sine viri consensu,
& extra necessitatis casum. Sanch. l. 9. de
Matr. D. 4. n. 15. 2. Tenetur in ijs, quæ
ad familiæ convenientem administrationem
pertinent, obedire præceptis mariti, Laym.
l. s. tr. 10. p. 3. c. 2. n. 1. Et hinc etiam
marito permisum est uxorem, si immorige-
ra, & refractaria sit, castigare, moderatè
tamen; quia non ancilla, sed conjux est,
& adjutrix domesticæ administrationis, Laym.
l. cit. 3. Si vir domicilium mutet, tene-
tur eundem sequi uxor can. unaqueque 3.
caus. 13. q. 2. ibi, Unaqueque mulier sequa-
tur virum suum, sive in vita, sive in mor-
te. In quo dispar est ratio viri, & mu-
lieris; nam vir non tenetur sequi uxorem,
nisi hæc ob casum necessarium cogatur do-
micum mutare, cum tamen ipse pro libi-
tu suo sibi domicilium eligere possit, &
uxorem cogere regulariter loquendo, ut il-
lum sequatur. Sanch. l. 1. de Matr. D. 41.
n. 16. Schambog. bīc n. 172. König ibid.
n. 115.

³⁴⁰ Dixi Regulariter; nam plures sunt
casus, in quibus neque mulier tenetur se-
qui virum mutantem domicilium, prout
videre est apud Sanch. D. 41. cit. Pirh. bīc
n. 174. Schambog. n. 172. Talis est 1. si
in Pactis Matrimonialibus certus locus habi-
tationi sit destinatus; tunc enim virum
ab eo loco discedentem sequi non te-
netur, nisi nova causa discedendi superveniat
antè non prævisa, ob quam vir necessariò
debeat proficisci aliò: de quo dictum est sup-
ra à n. 120. 2. Si sine gravi detrimen-
to corporis, vel animæ virum sequi non

possit; quia urgentius est præceptum absti-
nendi à peccatis, vitamque tuendi. 3. Si
vir hinc inde vagetur, & uxor nescivit,
quod ille consuetudinem vagandi habeat: se-
cūs, si scivit; nam si nihilominus ei nup-
sit, tacitè ad eum sequendum se obligavit.
4. Si vir peregrinationem longam, etiam
pietas causā, instituere vellit, & com-
modè eum uxor sequi non posset. 5. ut
Bald. in l. si cùm datem §. si maritus. n. 1,
ff. solut. Matr. cum alijs putat, quando vir
ob delictum in exilium mittitur à domicilio.
Sed probabilius alij apud Sanch. l. cit. n. 13.
docent eam teneri, ut virum sequatur in
exilium; quia sequi debet infortunium viri
l. si cùm datem cit. §. fin autem. Neque
hoc est puniri uxorem ob vii delictum,
sed poena imponitur viro, & quia uxor Ju-
re Divino tenetur eum sequi, ex causa ne-
cessaria, & inevitabili aliò migrantem,
per accidens id infortunium patietur uxor.

Dub. 2. An Marito Illustri erga
Uxorem Illustrē Jurisdictionē competat, ita
ut eam tam in Civilibus, quam in Crimi-
nalibus judicare possit? Negat Myler. ab
Ehrenbach. Gamol. Person. Illufit. c. 7. n. 22.
ullam Jurisdictionē marito hoc casu in
uxorem competere; eò, quod uxor mariti
sit socia l. nuptie 1. ff. de rit. nupt. l. adver-
sus 4. C. de crim. expilat. bared. & si maritus
sit Princeps, ac Status Imperij, etiam
ipsa immediata persona Imperij esse pute-
tur. Decian. Conf. 222. n. 3. Cravett. conf.
829. n. 5. adeoque par sit marito. Atqui
par in parem Imperium, aut Jurisdictionē
non habet per l. nam Magistratus 4. ff. de recept.
qui arbitr. igitur fieri non poterit, ut maritus
ei imperet, tanquam subdita, & in eam Ju-
risdictionē exercat; & hinc siquis uxo-
ri Illustri item mouere velit, vel Austregas,
vel Cameram Imperiale pro causa qua-
litate adire tenebitur. Lymnaeus de
Jur. Publ. l. 9. c. 5. n. 60. Gaill. l. 1. obs. 1. n.
17. & seqq.

In contrarium inclinat Stryk Uf. mod.
Pandeck. tit. de Jurisd. §. 29. Vitriar. Inf.
Jur. Publ. l. 3. tit. 17. §. 10. Schüz Coll.
Jur. pub. vol. 1. D. 3. tb. 32. quorum senten-
tiā theorice veram existimat König bīc
n. 117. & verā. licet priore in judicando
sequendam putet.

1. Quia ex vulgato
quilibet Princeps in suo Territorio tan-
tum potest, quantum Imperator in Im-
perio, nisi quid nominatum inveniatur ex-
ceptum. Gaill. l. 1. de Pac. publ. c. 6. n. 10.
Augusta autem Imperatori subdita est arg.
l. Princeps 31. ff. de LL. adeoque etiam cor-
ram Imperatore conveniri potest. Lym-
naeus ad Bull. Aur. c. 5. §. 3. obs. 4. n. 2. igitur
etiam uxor Principis, aut Status Im-
perij se à Jurisdictione mariti sui nequit
eximere. 2. Quia uxor Illustris per nu-
ptias transeundo in territorium mariti sui ibi
constituit domicilium. Sed hoc ipso, quod
aliquis

aliquis in territorio alicujus domicilium sibi constituit, Domini territorialis propriè fit subditus, ut docet ipfem Myler ab Ehrenbach de Princip. § Stat. Imp. c. 38. n. 7. quod etiam in Principibus, & Stanibus Imperij obtinere afferunt non pauci apud Tileman de Benign. Decis. Camer. Synt. 4. dec. 1. vol. 10. licet alij negent apud Ziegel. de aur. prax. Calvoli §. Landssygn. 24. § seqq.

3. Debitor sortitur forum in loco Contractus, & delinquens in loco delicti per dicta Libr. 2. Tit. 2. à n. 30. & à n. 59. ergo etiam uxor sortitur forum sub Jurisdictione mariti, si in eius territorio contrahat, vel delinquat: cuius rei plura exempla enumerat P. Otto Aicher Histor. quart. Monarch. l. s. c. 3. q. 2.

341 Neque obstant allegata in contrarium. Ad 1. uxor tantum Socia est domesticæ curæ, non verò Imperij, & Jurisdictionis maritalis. Vitriarius §. 10. cit. Ad 2. uxor immediata persona est, ut maritus, extra potestatem, & territorium mariti, conceditur: intra illud, negatur; nisi hoc ipsi maritus gratijs concesserit. Ad 3. Regula illa, quod par in parem Jurisdictionem non habeat, limitari debet, nisi alterius se Jurisdictioni subjecerit, quod in casu præsentis famina nubendo existimat fecisse.

342 Dub. 3. Quam potestatem Maritus habeat in Liberorum suorum personas, & bona? 4. Quoad personas olim Patria potestas in Liberis tanta fuit, quanta dominorum in Servos, h.e. jus vita, & necis l. in suis 1. fin. ff. de Liber. § postib. l. fin. C. de patr. potest. Sed hoc jus successu temporis limitatum est, & relicta patri solū facultas terminandi controversias domesticas, & liberos, si parere liberè non velint, castigandis. si filius 3. & l. seq. C. eod. König hic n. 117. §. patria potestas.

Eodem modo restricta etiam est Parentum potestas in bona Liberorum, quæ olim tam ampla fuit, ut quidquid ad Liberos perveniret, hoc parentibus suis ad instar servorum acquirerent. Nam sequentibus temporibus Peculiorum distinctio introducta est, & sanctum, ut Pater vi Patria potestatis in Peculio profectio plenum dominium, in Adventitio Regulari solum Usuum fructum obsecnat, in Adventitio verò extraordinario, & à fortiori in Castrensi, vel quasi Castrensi omne jus filiis, nec quicquam in ijs competit Patri. S. igitur 1. Inst. per quas person. cuiq. acquir. l. cum oportet 6. C. de bon. que liber. Novell. 117. c. 1. König n. 117. cit. §. cod.

343 Porro potestas Patria non obinde solvit de Jure communi, esto, liberi ad nuptias convolent, prout aperiè patet ex §. fin. Inst. de patr. potest. l. injuria 1. § fin. ff. de injur. De Jure communi, inquam; nam variarum Nationum consuetudine obtinuit, ut filibili conjugati separatam habeant Oecono-

R. P. Schmalzgrueber L. IV.

miam, patria potestas solvatur. Stryk. ad ff. tit. de Adoption. §. 22. & seq. quod tamen non ubique obinet, prout testatur Lauterbach. ad ff. tit. de Rit. nupt. §. 82. & hinc ibi locus erit dispositioni Juris communis.

Quæritur 3. Qui sint effectus Ma 347 trimonii uxori proprij? 4. Tres sunt præcipue. 1. Quod participet dignitatem, & nobilitatem mariti. De Dignitate perspicuis occurrit textus l. famina 8. ff. de Senator. & l. mulieres 13. C. de Dign. & ideo si Princeps, aut Comes Imperij ducat inferioris conditionis uxorem, statim dignitatis sue radios in hanc derivat, ut Princeps, Ducissa, vel Comitis salutari debet, nisi forte Matrimonium sit inaequale, seu ad Morganaticam contractum: de quo supra a n. 237. Stryk. ad ff. de Senator. § 6. Magnif. P. Schmier p. 2. de Mar. c. 3. n. 18. De Nobilitate, quod à Marito transferatur in uxorem, post Tiraquellum, Besoldum, Hœping, & alios cum communi docet idem Stryk §. 7. & meritò; nam l. mulieres cit. hoc expresse statuit ibi, Gener nobilitatis. Hæc tamen nobilitas à Marito illustrati in Matrem plebejam ita transusa, eam vim non habet, ut ex ea descendentes Canoniciatum capaces fiant in Ecclesijs Cathedralibus, & alijs, in quibus nobilitas utriusque parentis, & avorum requiritur. Magnif. P. Schmier l. cit. n. 28.

An autem vice versa, si famina nu- 348 bat marito conditionis inferioris, præstam suam dignitatem, & prærogativas amittat, & mariti dignitate, honoréque esse contenta debet, dubitari potest? Et videtur respondendum affirmativè; quia vulgato asserto priorem statum, & conditionem amittere dicitur per l. famina 8. ff. de Senator l. cum tu 10 C. de Nupt. Sed cum Stryk l. cit. §. 9. distinguendum est inter prærogativas connatas, qualis est nobilitas, ac illustris conditio, quam famina talis accepit ex sanguine; & inter participatas, quas accepit ex officio patris, quia hic v. g. fuit Consul, Consiliarius, aut Minister Principis. Has posteriores, dum nuptias cum marito fortis diversè pangit, amittit; quia per nuptias è familia patris egreditur, nec paternorum jurium particeps remanet, sed mariti sorte consequitur l. cum tu cit. Priores, quia sanguini, quem famina per Matrimonium non exuit, cohædere videntur, retinet l. cum tu cit. & l. p. ut 1. C. de dignit. & sic paſſim obtinuit praxis, quæ videntur filiam Regis, Ducis, Principis, Comitis, Baronis &c. etiam post nuptias cum inferiori marito contractas, titulo tamen, quem antecedenter ex natalium splendore accepit, adhuc condecorari. Cassianus in Catalog. G'or. Mun. l. p. 2. Confid. 40. Springfeld de Appanag. c. 3. n. 138. Myler ab Ehrenbach Catalog. Person. illustr. c. 5. §. 28. König hic n. 119. Magnif. P. Schmier c. 3. cit. n. 28.

K. 2

2. Effec-

349. 2. Effectus proprius Uxori est, quod pleraque viri, veluti fori, sessionis, immunitatis &c. privilegia participet prout paret ex l. fin. C. de injur. l. medicos 6. & l. fin. C. de Professur. & Medic. Et hinc 1. si Maritus in Princeps, aut Status Imperij, etiam Uxor ex mediata fit immediata persona Imperij, saltem extra territorium mariti arg. l. ne ad diversa 4. C. de Silentiar. & Decur. l. cum quedam 19. ff. de Jurisdic. 2. Quando vult condere Testamentum, non tenetur adhibere omnes solennitates à Jure Civili prescriptas, sed tatis est, si observet ea, quæ requiruntur de Jure gentium arg. l. Princeps 31. ff. de LL. 3. Potest Uxor Illustri testamentum, tanquam Principi oblatum, insinuari arg. l. onium 19. C. de Testam. Tabor de Testam. Princip. oblat. c. 6. n. 11. 4. Donatio, ab ipsa facta, et si 500. solidos exceedat, insinuione non indiget, ac si ipse Princeps maritus donasset l. sancimus 34. ¶ exceptis. C. de Donat. 5. Quod donat ipsa alicui ex Gynæco suo, aut alteri, induit naturam Castrensis peculij, ita, ut patet donataria, vel donatarij in re donata usumfructum non possit prætendere l. cum multa 7. C. de bonis, que liberis &c. 6. Ministri uxoris Principis idem privilegium habent, quod Ministri mariti Principis arg. l. cubicularios 3. C. de Preposit. sacr. cubic. 7. Ipsius bona æquè, ac bona Principis mariti, immunitate a vestigalibus gaudent arg. l. locatio 9. S. fin. ff. de Publican. & vestigal. 8. etiam in Auguistam crimen laxe Majeſtatis committitur arg. l. quisquis 5. C. ad Leg. Jul. Mijest.

350. 3. Effectus proprius ex parte uxorius est, quod acquirat domicilium mariti l. cum quedam 19. ff. de Jurisd. l. fin. §. item rescriperunt 3. ff. ad municipal. l. mulieres 13. C. de dignit. & forum cum eo commune habeat l. mulieres cit. adeo, ut dotem non, ubi Paetæ dotalia contecta sunt, sed ubi maritus domicilium habuit, repetere debeat l. exigere 65. & ibi Gloss. ff. de Judic. Et retinet hoc mariti sui forum, domicilium, dignitatem, & prærogativas mulier, etiam marito mortuo, quamdiu manet vidua per l. mulieres cit. & l. fin. C. de incol. quia dum anoribus conjugalibus iteratò se non implicat, mariti prædefuncti prærogativis digna reputatur. At quamprimum alteri nubit, has amittit, ac posterioris mariti fortunam sequitur l. mulieres cit. & Novell. 22. c. 36. nisi speciali induito Principis impetraverit retentionem veterum Jurum l. fin. pr. ff. de Senator. Stryk, ad eund. tit. §. 8.

351. Adi potest Effectus quartus, scilicet Jus alimentorum, quæ ipsi, & familiæ subministrare maritus debet; nam ideo etiam Dotis fructus accipit l. dotis 7 ff. de Jur. dot. & l. pro oneribus 20. C. eod.

Excipitur 1. Si uxor sine culpa viri,

& absque causa necessaria à marito discedat: tunc enim, quamvis dotem ab ea maritus acceperit, ad eam alendam non obligatur; quia uxor debet esse in obsequio viri can. hæc imago 13. caus. 33. q. 5. ac proinde, si non velit præstare obsequium debitum, non recipiet alimenta alias sibi debita; qui enim non facit, quod debet, non recipit, quod oportet arg. l. fin. ead. 3. C. de condit. infert. Covar. p. 2. de Sponfali c. 7. §. 5. n. 2. Sanch. l. 9. de Matr. D. 4. n. 20. Laym. l. 5. tr. 10. p. 3. c. 2. n. 2. Pal. tr. 28. D. 3. p. 5 §. 2. n. 3. Dixi si sine culpa viri, & absque causa necessaria; nam si ob viri favoriam, aut aliam culpam discesserit; vel si coacta sit recedere ob viri furorem, aut morbum contagiosum; vel etiam ob proprium delictum in exilium acta sit, ali a viro debet, ut l. citt. notant Sanch. n. 21. & seqq. Laym. Pal. &c.

Excipitur 2. Si dos promissa, vel pars promissæ dotis soluta non fuerit, sive de 352 inde promissa fuerit ab uxore, ejusque parentibus, sive ab alio quocunque extraneo; quia maritus, de dote conveniens pro alimentis uxori præstandis, tacite intendit nullam obligationem alimentorum subire, dote non solura, Sanch. l. 9. de Matr. D. 5. n. 2. Pal. tr. 28. D. 3. p. 5. §. 2. n. 5. Est tamen, ut DD. citt. notant, differentia facienda inter casum, quo dos promissa est ab uxore, vel ejus patre, & inter casum, quo promissa est ab extraneo; nam si ab extraneo promissa est, ea non soluta nullam maritus obligationem habet alendi uxorem, tametsi promittens dotem ob impotentiam eam non solvat. At si ab uxore, ejusque patre promissa sit, & hi ex impotentiæ non solverint, modò tempore promissionis eam impotentiam non agnoverint, teneatur maritus uxori alimenta præstare, acsi dotem receperisset; quia censenda est eo casu Dos perire fortuò, siquidem absque culpa uxoris, vel parentis non solvitur, quicque conveniri nequeunt pro dote solvenda, ultra, quam facere possunt.

Excipitur 3. Si maritus sit inops, & 353 uxor dives; nam eo casu uxor viro alimenta præstare debet l. si cum dotem 22. §. si maritus 7. fin. ff. solut. Matr. Sanch. D. 5. cit. n. 9. Pal. p. 2. cit. n. 4. Schamb. bīc n. 173. Rationem dat Sanch. l. cit. quod dum mulier dives absque dotis promissione dicitur, videtur tacite actum de Dote constituenda; igitur dum dotem tacite promissam non solvit, à marito petere alimenta non potest, sed potius ab ipsa maritus, utpote cum eum in finem constitutatur Dos, ut alere uxorem, & familiam, aliisque matrimonii onera supportare possit. Quando autem non ipsa mulier, sed ejus pater dives esset, dotemque constitutere nollet, teneretur maritus, qui nihil de dote paetus est, ipsam alere, libertumque illi esset à patre dotem petere. Molin. tr. 2. de J. & J. D. 425. n. 4.

SEC-